

四庫全書

史部

欽定四庫全書

國語卷十三

吳韋昭注

晉語七

既殺厲公欒武子使知武子甓恭子如周迎悼公

武子欒書

也知武子荀瑩也甓恭子士魴也食邑於甓悼公周子也時年十四

庚午大夫逆于清原

清原晉境

公言於諸大夫曰孤始願不及此

及至也

孤之及此

天也

引天以自重

抑人之有元君將稟命焉

元善也稟受也

若稟而

棄之是焚穀也

穀所仰以生也

其稟不材是穀不成也

不材不可用也

不成謂糝也

穀之不成孤之咎也成而焚之二三子之虐也

孤欲長處其願出令將不敢不成

不敢為糝政也

二三子為令

之不從故求元君而訪焉

訪謀也為民不從大夫之命故求善君而謀之

孤之

不元廢也其誰怨

廢以不善見廢

元而以虐奉之二三子之制

也

制專制也若欲奉元以濟大義將在今日若欲暴虐以離

百姓反易民常亦在今日

反易民常下不事上也

圖之進退願由

今日

悼公承篡殺之後嫌臣下不從故以此約厲焉

大夫對曰君鎮撫羣臣而

大庇蔭之無乃不堪君訓而陷于大戮以煩刑史

刑刑官司

寇也史大史掌書法也

辱君之允令

允信也

敢不承業乃盟而入

奉承

也業事也

辛巳朝于武宮

武宮武公廟

定百事立百官

議定百事而立其官

使主之謂改其舊時之非者

育門子選賢良

門子大夫適子周禮曰其正室皆謂之門子育

長也長育其材選用賢良也

興舊族出滯賞

舊族舊臣之子孫滯賞謂有功于先君未賞者

謂呂相之屬也

畢故刑赦囚繫

故刑若今被刑居作者畢之不復作也囚繫者赦之傳曰宥罪

庚是也

宥閒罪薦積德

閒罪刑罰之疑者宥赦也薦進也積德之士進用之

逮鰥寡

逮及也惠及之也

振廢淹

振起也淹久也謂本賢人

養老幼

養有

常恤孤疾

無父曰孤疾廢疾也

年過七十者公親見之

謂賢知稱

曰王父王父不敢不承

稱曰王父尊而親之其心也故王父不敢不承命

二

月乙酉公即位

先館於外至此乃就宮朝也傳曰館於伯子同氏是也

使呂宣子

佐下軍

宣子呂錡之子呂相也

曰邲之役呂錡佐知莊子於上軍

上當為下字之誤也呂錡厨武子也知莊子荀首也時為下軍大夫事在魯宣十二年唐尚書云荀首時將上軍誤

獲楚公子穀臣與連尹襄老以免于羽

連尹楚官名子羽知

莊子之子瑩之字也邲之戰楚人囚知瑩莊子以其族反之厨武子御莊子射襄老獲之遂載其尸射公子穀臣囚之以二者歸魯成三年晉人歸楚穀臣與襄老之尸以求知瑩楚人許之故曰以免于羽

鄆之役

親射楚王而敗楚師

魯成公十六年晉楚戰于鄢陵呂錡射楚恭王中目楚師敗楚養由

基射呂錡中項而死

以定晉國而無後

無後子孫無在顯位者

其子孫不可

不崇也

崇高也

使彘恭子將新軍曰武子之季文子之母

弟也

季少子也武子士會文子士燮也母弟同母弟也

武子宣法以定晉國至

於今是用

宣明也法執秩之法

文子勤身以定諸侯至於今是賴

定諸侯謂為軍帥能使諸侯事晉也賴蒙也

夫二子之德其可忘乎故以彘

季屏其宗

屏藩也

使令狐文子佐之

文子魏犢之孫魏顆之子魏頡也令狐邑

名曰昔克潞之役秦來圖敗晉功魏顆以其身卻退秦

師于輔氏親止杜回其勲銘于景鍾

克勝也魯宣十五年六月癸卯晉荀

林父將滅赤翟潞氏七月秦桓公伐晉次于輔氏欲敗

晉功壬午晉景公治兵以畧翟土及雒魏顆敗秦師于

輔氏獲杜回輔氏晉地杜回秦

力士也勲功也景鍾景公之鍾至于今不育其子不可

不興也育遂君知士貞子之帥志博聞而宣惠於教也

使為太傅貞子晉卿士穆子之子士渥濁也帥猶也宣徧也惠順也知右行辛之能

以數宣物定功也使為司空右行辛晉大夫賈辛也數計也宣明也物事也能以

計數明事定功故使為司空司空掌邦事謂建都邑起宮室經封洫之屬知樂糾之能御以

和於政也使為戎御樂糾晉大夫下糾也政軍政戎御御公戎車也知荀賓之

有力而不暴也使為戎右

荀賓晉大夫戎右公戎車之右有力而不暴故可親近之

樂伯請公族大夫

樂伯樂武子公族大夫掌公族與卿之子弟

公曰荀家惇

惠

荀家晉大夫

荀禮文敏

荀禮荀家之族

麇也果敢

麇樂書之子桓子也

無忌

鎮靖

無忌韓厥之子公族穆子也鎮重也靖安也

使茲四人者為之

茲此也

膏粱之性難正也

膏肉之肥者粱食之精者言食肥美者率多驕放其性難正也

故使

惇惠者教之

教之道

使文敏者道之

道其志也

使果敢者諗之

諗告也告得失也

使鎮靖者修之

修治其氣性

惇惠者教之則徧而

不倦

倦懈也

文敏者道之則婉而入

婉順也

果敢者諗之則

過不隱鎮靖者修之則壹壹均一也使茲四人者為公族大

夫公知祁奚之果而不淫也使為元尉祁奚晉大夫高梁伯之子也元

尉中軍尉也知羊舌職之聰敏肅給也使佐之羊舌職晉羊舌大夫之子

敏達也肅敬也給足也知魏絳之勇而不亂也使為元司馬魏絳魏犢

之子莊子也元司馬中軍司馬也知張老之知而不詐也使為元候張老

晉大夫張孟也元候中軍候奄也知鐸遏寇之恭敬而信彊也使為輿

尉遏寇晉大夫與尉上軍尉也知藉偃之惇率舊職而共給也使為

輿司馬藉偃晉大夫藉季之子藉游也與司馬上軍司馬也知程鄭端而不淫且

好諫而不隱也使為贊僕

程鄭晉大夫荀驩之曾孫程季之子端正也淫邪也贊僕

乘馬御也六駟屬馬

始合諸侯於虛打以救宋

虛打宋地宋魚石叛宋而之楚楚伐

宋取彭城以封之故悼公合諸侯以救宋在魯成十八年

使張老延君譽于四方且

觀道逆者

延陳也陳君之稱譽于四方且觀察諸侯之有道德與逆亂者

呂宣子卒

宣子

相公以趙文子為文也

文子趙武也文有文德

而能恤大事使佐

新軍

說云新軍中軍也昭謂時但言新軍新軍無中

三年公始合諸侯

悼公三年魯襄

之二年也悼公元年始合諸侯于虛打此復言始合者謂四年將會于雞丘於此始命之

四年諸侯

會於雞丘

雞丘雞澤在魯襄三年

於是乎布令結援修好申盟而

還令謂朝聘之數同好惡令狐文子卒文子魏頡公乃以魏

絳為不犯不犯不可犯以非法也使佐新軍傳曰魏絳多功以趙武為賢而為之佐然

則讓武使為將而絳佐之使張老為司馬代魏絳也使范獻子為候奄代張

老候奄元候也獻子范文子之族昆弟士富也公譽達於戎戎諸戎無終子之屬五年諸

戎來請服使魏莊子盟之於是乎始復伯莊子魏絳也繼文公後故

伯曰復

四年會諸侯於雞丘述上會時魏絳為中軍司馬公子揚干

亂行於曲梁揚干悼公之弟行行列也曲梁晉地魏絳斬其僕僕御也公謂

羊舌赤

赤羊舌職之子
銅鞮伯華也

曰寡人屬諸侯

屬會也

魏絳戮寡

人之弟為我勿失

戮辱也為我
執之勿失也

赤對曰臣聞絳之志有

事不避難有罪不避刑其將來辭

辭陳其
辭狀也

言終魏絳至

授僕人書而伏劍

僕人掌傳命聞
公怒欲自殺

士魴張老交止之

交

也僕人授公公讀書曰臣誅於揚干不忘其死

誅責也日

君之使使臣徂中軍之司馬

日前日也
徂正也

臣聞師衆以順

為武

順順
令也

軍事有死無犯為敬

有死其事無犯
其今是為敬命

君合諸

侯臣敢不敬

敢不敬
奉其職

君不說請死之

請就

公跣而出

跣

也也曰寡人之言兄弟之禮也子之誅軍旅之事也請無

重寡人之過反役與之禮食反役自役反也禮食公食大夫之禮令之佐

新軍上章曰以魏絳為不犯使佐新軍是也

祁奚辭於軍尉辭請老也公問焉曰孰可誰可自代對曰臣之子

午可人有言曰擇臣莫若君擇子莫若父午之少也婉

以從令少稱也婉順也游有鄉處有所好學而不戲不戲弄也其壯

也彊志而用命此壯謂未二十時志識也命父命也守業而不淫業所學事業也

其冠也和安而好敬冠二十也柔惠小物柔仁也惠愛也而鎮定大

事

鎮安也言知思能安定也

有直質而無流心

流放也

非義不變

言從義也

非上不舉

舉動也放上而動

若臨大事其可以賢於臣也

大事軍事

臣請薦所能擇而君比義焉

薦進也所能擇父能擇子也比比方也義宜也

公

使祁午為軍尉沒平公軍無秕政

沒終也平公悼公之子彪也秕以穀諭也

五年無終子嘉父使孟樂因魏莊子納虎豹之皮以餽

諸戎

悼公五年魯襄四年無終山戎之國今為聯在北平子爵也嘉父名孟樂嘉父之臣莊子魏絳也餽

諸戎諸戎欲服從于晉也

公曰戎翟無親而好得不若伐之

無親無思親好

得貪貨財魏絳曰勞師於戎而失諸華

諸華華夏也用師於戎不得存恤諸侯諸

侯必叛故失之

雖有功猶得獸而失人也安用之且夫戎翟薦

處薦聚也

貴貨而易土

貴重也易輕也

與之貨而獲其土其利一

也邊鄙耕農不做其利二也戎翟事晉四鄰莫不震動

其利三也

震懼也

君其圖之公說故使魏絳撫諸戎於是

乎遂伯

韓獻子老

韓獻子韓厥也說云為公族大夫老而辭位昭謂韓厥晉卿也魯成十六年傳曰韓厥將

下軍十八年晉悼公即位傳曰韓獻子為政

使公族穆子受事於朝

穆子厥之子無

忌也唐尚書云獻子致仕而用其子為公族大夫昭謂悼公元年使無忌為公族大夫後七年獻子告老欲使

為卿有廢疾讓其弟起公聽之
更使掌公族大夫在魯襄七年
辭曰厲公之亂無忌備

公族不能死

亂謂見殺公族同姓也

臣聞之曰無功庸者不敢居

高位

國功曰功民功曰庸

今無忌知不能匡君使至於難仁不能

救勇不能死敢辱君朝以忝韓宗請退也固辭不立悼

公聞之曰難雖不能死君而能讓不可不賞也使掌公

族大夫

掌主也初為公族大夫今使主之以是為賞

悼公使張老為卿

卿佐新軍也

辭曰臣不如魏絳夫絳之知

能治大官

大官卿也

其仁可以利公室不忘

不忘利公室也

其勇不疲

於刑

疫病也勇能斷決也

其學未廢其先人之職若在卿位外內必平且雞

丘之會其官不犯

不犯戮揚干也

而辭順不可不賞也公五命

之固辭乃使為司馬使魏絳佐新軍

事以見上欲見張老之讓故復言之

十二年公伐鄭軍於蕭魚

悼公十二年魯襄十一年鄭從楚故伐之軍蕭魚鄭服也

鄭伯嘉來納女工妾三十人女樂二八

嘉鄭僖公子簡公也女美女工

樂師傳曰賂晉以師惺師觸師觸是也妾給使者工妾凡三十人女樂今伎女也八人為佾備八音也或云女

工有伎巧者也與傳相違失之矣賈侍中云妾女樂也下別有女樂二八則賈君所云似非也歌鐘二

肆

歌鐘歌時所奏肆列也凡縣鐘磬全為肆半為堵

及寶鎛

鎛小鐘也寶鄭所寶

輅車十

五乘

輅廣車也車軌車也十五各十五也傳曰廣車軌車淳十五凡兵車百乘淳偶也

公賜魏

絳女樂一八歌鐘一肆曰子教寡人餼戎翟而正諸華

於今八年七合諸侯寡人無不得志請與子共樂之

八年

和戎翟後八年也七合諸侯一謂魯襄五年會于戚二

謂七年會于郟三謂八年會于邢丘四謂九年同盟于

戲五謂十年會于祖六謂十二

年會于亳城北七謂會于蕭魚魏絳辭曰夫餼戎翟臣

之幸也

幸幸而合也

八年之中七合諸侯君之靈也

靈神也二

三子之勞也

謂諸軍帥

臣焉得之

焉得專之

公曰微子寡人無以

待戎無以濟河

微無也濟河南服鄭

二三子何勞焉子其受之君

子曰能志善也

志識也

悼公與司馬侯升臺而望曰樂夫

司馬侯晉大夫汝叔齊樂見士民之殷富

也對曰臨下之樂則樂矣德義之樂則未也

善善為德惡惡為義

公曰何謂德義對曰諸侯之為日在君側

為行也

以其善

行以其惡戒可謂德義矣公曰孰能對曰羊舌肸習於

春秋

肝叔嚮之名春秋紀人事之善惡而目以天時謂之春秋周史之法也時孔子未作春秋

乃召

叔嚮使傅大子彪

彪平公也

國語卷十三

欽定四庫全書

國語卷十四

吳韋昭注

晉語八

平公六年

平公悼公之子彪也六年魯襄二十一年

箕遺及黃淵嘉父作亂

不克而死

箕遺黃淵嘉父皆晉大夫樂盈之黨也樂盈所取范宣子之女曰樂祁生盈廢卒祁與其

老州賓通盈患之祁懼愬諸宣子曰盈將為亂盈好施士多歸之宣子執政畏其多士使城著將逐之箕遺黃

淵等知之而作亂宣子殺遺淵嘉父及司空靖邠豫董叔邠師申書羊舌虎叔隰

公遂逐羣賊

樂盈之黨謂知起中行嘉州
緝刑蒯之屬逐之出奔齊

謂陽畢曰自穆侯以至於

今亂兵不輟

陽畢晉大夫穆侯唐叔八世之孫桓叔之父也晉亂自桓叔始輟止也

民志

無厭禍敗無已

厭極也已止也

離民且速寇恐及吾身若之何

速召也

陽畢對曰本根猶樹

本根亂本謂樂氏猶尚樹立也

枝葉益長本

根益茂是以難已也今若大其柯

柯斧柄所操以伐木

去其枝葉

絕其本根可以少間

間息也謂滅樂氏而去其黨

公曰子實圖之陽

畢曰圖在明訓

訓教也

明訓在威權

言既有明教當有威權以行之

威權

在君

言不在臣

君掄賢人之後有常位於國者而立之

掄擇也常

位謂世有功烈於國而中微者亦掄逞志虧君以亂國者之後而去之

逞快也是遂威而遠權遂申也遠權權及後嗣民畏其威而懷其德

莫能弗從言皆從君若從則民心皆可畜皆可畜養而教導之畜其心

而知其欲惡民孰偷生欲惡情欲好惡也偷苟也若不偷生則莫思

亂矣且夫樂氏之誣晉國也久矣誣罔也以惡取善曰誣謂樂書雖殺厲公

然人被其德不以為惡傳曰武子之德在人如周人之思邵公樂書實覆宗殺厲公以

厚其家覆敗也宗大宗也謂殺厲立悼以取重於國厚其家也若滅樂氏則民威

矣威畏也今吾若起瑕原韓魏之後而賞立之則民懷矣

瑕瑕嘉原原軫韓韓萬魏畢萬
之後皆晉賢人有常位于國者
威與懷各當其所則國

安矣君治而國安欲作亂者誰與君曰樂書立吾先君

先君樂盈不獲罪如何
言盈不得罪於國為其母陽畢
悼公

曰夫正國者不可以暱於權
暱近也言當遠行權不可

以隱於私
以私恩隱蔽其暱於權則民不道
不可道行

權隱於私則政不行政不行何以道民民之不道亦無

君矣
與無則其為暱與隱也復產害矣且勤君身
復反

勞也反害于君其圖之若愛樂盈則明逐羣賊而以國

倫數而遣之

羣賊盈之黨倫理也

厚戒箴國以待之

箴猶敕也待備也

彼

若求逞志而報於君罪孰大焉滅之猶少

猶少滅之恐少耳

彼

若不敢而遠逃乃厚其外交而勉之以報其德不亦可

乎

謂賂其所適之國厚寄託之而勸勉焉

公許諾盡逐羣賊而使祁午及

陽畢適曲沃逐欒盈

祁午中軍尉曲沃欒盈邑

欒盈出奔楚遂令於

國人曰自文公以來有力於先君而子孫不育者將授

立之得之者賞

授之爵位而立之

居三年

後三年

欒盈書入為賊

于絳

欒盈在楚一年而奔齊魯襄二十三年齊莊公使析歸父以藩載盈及其士納之曲沃夏四月盈帥

曲沃之甲因魏獻子以書入絳

范宣子以公入于襄公之宮

襄宮完固故就之傳

曰奉公以如固宮

欒盈不克出奔曲沃

傳曰晉人圍曲沃

遂刺欒盈滅

欒氏

刺殺也傳曰晉人克欒盈于曲沃盡殺欒氏之族黨

是以沒平公之身無內

亂也欒懷子之出

懷子盈也出奔楚

執政使欒氏之臣勿從

政執

正卿即范宣子

從欒氏者為大戮施

施陳也陳其尸也

欒氏之臣辛俞

行

行從也

吏執而獻之公公曰國有大令何故犯之對曰

臣順之也豈敢犯之執政曰無從欒氏而從君是明令

必從君也臣聞之曰三世事家君之

三世為大夫家臣事之如國君也

再世以下主之

大夫稱主

事君以死事主以勤君之明令也

自臣之祖以無大援於晉國世隸欒氏於今三世矣臣

故不敢不君今執政曰不從君者為大戮臣敢忘其死

而叛其君以煩司寇

敢不敢也言不敢忘死而叛其君煩君司寇以刑臣也

公說

說其執義

固止之不可

可肯也

厚賂之辭曰臣嘗陳辭矣心以

守志辭以行之所以事君也若受君賜是隋其前言

隋壞

也臣無二君若受君賜是有二心也

君問而陳辭未退而逆之何以事君

也

逆反君知其不可得也乃遣之

叔魚生其母視之

叔魚晉大夫叔向母弟
羊舌鮒也視猶相察也

曰是虎目而

豕喙

虎視眈眈豕
喙長而銳也

鳶肩而牛腹

鳶肩肩井升出
牛腹脅張也

谿壑可

盈是不可饜也

水注川曰
谿壑溝也

必以賄死

後為贊理受讎
子女而抑邢侯

邢侯遂弗視

不自養
視也

揚食我生

揚叔向邑也食我叔向
子伯石也其母夏姬之

女叔向之母聞之往及堂聞其號也乃還曰其聲豺狼

之聲也終滅羊舌氏之宗者必是子也

宗同宗也食我
既長黨於祁盈

盈獲罪晉殺盈及食我遂滅祁
氏羊舌氏在魯昭二十八年

魯襄公使叔孫穆子來聘

聘在襄二
十四年

范宣子問焉

宣子
晉正

卿士

曰人有言曰死而不朽何謂也

言身死而不朽

穆子未

對宣子曰昔勾之祖自虞以上為陶唐氏

言在舜時不改堯號

在

夏為御龍氏

夏夏后孔甲之世也傳曰陶唐氏既衰其後曰劉累學擾龍於豢龍氏以事孔甲能

飲食龍夏后嘉之賜氏曰御龍

在商為丞韋氏

商謂武丁之後為丞韋氏初祝融之後彭姓為

大彭大彭丞韋二國為商伯其後商滅丞韋劉氏自御龍代丞韋故傳曰以更丞韋之後

在周為唐

杜氏

周武王之世唐杜二國名丞韋自商之末改國於唐周成王滅唐而封弟唐叔虞遷唐于杜謂之杜

伯周卑晉繼之為范氏其此之謂乎

卑王室微也晉繼之者謂為盟主總

諸侯也為范氏者杜伯為宣王大夫宣王殺之其子隰叔去周適晉生子與為晉理官其孫士會為晉正卿食

邑於范是為范氏

對曰以豹之所聞此之謂世祿非不朽也

世祿

世食官邑

魯先大夫臧文仲其身沒矣其言立於後世

言有立言

可法者謂若教行父事君告糴於齊之屬

此之謂死而不朽

范宣子與鮒大夫爭田久而無成

成平也鮒晉邑之大夫也爭田之疆界久

而不平

宣子欲攻之問於伯華

伯華羊舌赤也魯襄三年代父職為中軍討之佐

伯華曰外有軍內有事赤也外事也

言主軍也

不敢侵官

非其

官與之為侵官

且吾子之心有出焉可徵訊也

出以軍旅出也徵召也訊問也

問於孫林父

林父衛大夫孫文子魯襄十四年逐衛獻公立公孫剽二十六年甯喜殺剽而納獻

公林父遂以
戚叛事晉

孫林父曰旅人所以事子也惟事是待

旅容

也言客寄之
人不敢違命

問於張老

三君云張老中軍司馬也昭謂魯襄三年悼公以張老為司馬

至襄十六年平公即位以其子
張君臣代之此時為上軍將

張老曰老也以軍事承

子非戎則非吾所知也

戎兵也

問於祁奚

祁奚既老平公元年復為公族

大夫祁奚曰公族之不恭公室之有回

回邪也

內事之朝

內朝

也大夫之貪是吾罪也

大夫公族大夫然則祁奚掌之

若以軍官從子

之私懼子之應且憎也

外應受我內憎其非

問於藉偃

藉偃上軍司馬藉游

也藉偃曰偃以斧鉞從於張孟

孟張老字

曰聽命焉若夫子

之命也何二之有

夫子張孟也

釋夫子而舉

釋舍也舉動也

是反吾

子也

吾子宣子宣子為上卿本使我聽命於張孟今若背之而從子之私是反子之前令

問於叔

魚

叔魚叔向之弟

叔魚曰待吾為子戮之叔向聞之見宣子曰

聞子與鮒未寧

寧息也

徧問於大夫又無決盍訪之訾拓

訾拓宣子家臣

訾拓實直而博直能端辯之

端正也辯別也

博能上

下比之且吾子之家老也

家臣室老

吾聞國家有大事必順

於典刑

典常也刑法也

而訪咨於耆老而後行之司馬侯見

侯汝

齊叔

曰聞吾子有鮒之怒吾以為不信諸侯皆有二心是

之不憂

二心欲
叛晉

而怒蘇大夫非子之任也祁午見

千中
軍尉

曰晉為諸侯盟主子為正卿若能靖端諸侯使服聽命

於晉晉國其誰不為子從何必蘇

言皆從子之命
何但蘇大夫乎

盍密

和和和
平也和大以平小乎

勸以大德
平小怨

宣子問於訾昝訾昝

對曰昔隰叔子違周難於晉國

隰叔杜伯之子違避也
宣王殺杜伯隰叔避害

適生子與為理

子與士為之
字理士官也

以正於朝朝無姦官為司

空以正於國國無敗績

績功也

世及武子佐文襄為諸侯

諸侯無二心

父子為世及至也謂士為生成伯成伯生
缺缺生武子士會文公五年士會攝右為

大夫佐襄公以伯諸侯諸侯無二心者

及為卿以輔成景軍無敗政

文公生成

公成公生景公

及為成師居太傅

唐尚書云為成公軍師兼太傅官昭謂此成當為景字誤

耳魯宣九年晉成公卒至十六年晉景公請于王以黻冕命士會將中軍且為太傅

端刑法輯訓

典輯和也

國無姦民

士會為政盜賊奔秦是也

後之人可則是以受隋

范

隋范晉二邑也

及文子成晉荆之盟

文子武子之子變也晉使士變盟楚于宋西門

之外在魯成十二年

豐兄弟之國使無有間隙

豐厚也間隙瑕釁也兄弟鄭衛之屬

晉楚為好不相加戎所以厚兄弟之國

是以受郇櫟

郇櫟晉二邑也

今吾子嗣位

於朝無姦行於國無邪民於是無四方之患而無外內

之憂賴三子之功而饗其祿位

三子子與
武子文子

今既無事矣

而非餼

非恨也

於是加寵將何治為

晉加寵於子將
何所為治乎

宣子

說乃益餼田而與之和

以所爭田益
之與之平和

訾柘死范宣子謂獻子

獻子宣子
之子范鞅

曰鞅乎昔者吾有訾

柘也吾朝夕顧焉

顧問也

以相晉國且為吾家今吾觀女

也專則不能謀則無與

無賢臣也

將若之何對曰鞅也居處

恭不敢安易

易簡也不敢自
安而為簡略

敬學而好仁和於政而好

其道

言已為政貴和
而好說其道

謀於衆不以賈好

賈求也言心樂
治不以求為好

欽定四庫全書

國語

卷十四

私志雖衷不敢謂是也必長者之由衷善也由從也宣子曰可

以免身

平公說新聲

說樂也新聲者衛靈公將如晉舍于濮水上聞琴聲焉甚哀使師涓以琴寫之至

晉為平公鼓之師曠撫其手而止之曰止此亡國之音也昔師延為紂作靡靡之樂後而自沈於濮水之中聞此聲者必于濮水之上乎師曠曰公室其將卑乎師曠晉主樂大師子野君之

明兆於衰矣

兆形也

夫樂以開山川之風

開通也故八音以通八風以

耀德於廣遠也

耀明也

風德以廣之

風風宣其德廣之於四方作樂各象其德

詔夏夔武是也

風山川以遠之

遠遠其德也周禮每樂一變各有所致謂鱗介毛羽之物山林

川澤天地之神祇也

風物以聽之

言風化之動物莫不傾耳而聽

修詩以詠之循

禮以節之夫德廣遠而有時節

作之有時動有禮節

是以遠服而

邇不遷

平公射鳩不死

鳩鳥也尾小

使豎襄搏之失

豎內豎襄名也

公怒拘

將殺之叔向聞之夕

夕至於朝

君告之叔向曰君必殺之昔

吾先君唐叔射兕於徒林殪以為大甲

兕似牛而青善觸人徒林林名

一發而死曰殪甲鎧也

以封于晉

言有才藝以受封爵

今君嗣吾先君唐叔

射鳩不死搏之不得是揚吾君之恥者也君其必速殺

之勿令遠聞

殺之益聞
詭辭以諫

君忸怩顏乃趣救之

忸怩
慙貌

叔向見司馬侯之子撫而泣之

撫拊也

曰自此其父之死

吾蔑與比而事君矣昔者此其父始之我終之

謂有所建為及

諫爭相為終始
以成其事也

我始之夫子終之無不可

無不可言
皆從也

藉

偃在側曰君子有比乎

君子周而不
比故偃問之

叔向曰君子比而

不別比德以贊事比也

贊佐也

引黨以封已

引取也
封厚也

利已

而忘君別也

別別為
朋黨也

秦景公使其弟鍼來求成

景公秦穆公之玄孫桓公之
子鍼后子伯車也在魯襄二

十六年

叔向命召行人子員

行人掌賓客之官員名也

行人子朱曰未

也在此叔向曰召子員子朱曰朱也當御

當直也御進也言次應直

事叔向曰肸也欲子員之對客也子朱怒曰皆君之臣

也班爵同

與員同也

何以黜朱也

黜退也

撫劍就之叔向曰秦

晉不和久矣今日之事幸而集

集成也

子孫饗之

饗饗其福也饗

或為賴

不集三軍之士暴骨

必復戰闕也

夫子員道賓主之言

無私子常易之

易變也

姦以事君者吾所能禦也拂衣從

之拂褰也

人救之平公聞之曰晉其庶乎

庶幾於興

吾臣之所

爭者大師曠侍曰公室懼卑其臣不心競而力爭

諸侯之大夫盟于宋

盟在魯襄二十七年晉楚始盟以弭諸侯之兵

楚令尹子

木欲襲晉軍

子木屈到之子屈建也傳曰將盟楚人衷甲襲掩也

曰若盡晉師而

殺趙武則晉可弱也

趙武晉正卿文子也

文子聞之謂叔向曰若

之何叔向曰子何患焉忠不可暴

不可

信不可犯

犯陵也

忠自中

自中出也

而信自身

身行信也

其為德也深矣其置本也

固矣故不可相也

相動也

今我以忠謀諸侯

謀安諸侯

而以信

覆之

覆驗其忠

荆之逆諸侯也亦云

亦云欲弭兵為忠信逆迎也

是以在

此若襲我是自背其信而塞其忠也

塞絕也

信反必斃

斃

也忠塞無用

無以用諸侯也

安能害我且夫合諸侯以為不信

諸侯何望焉此行也荆敗我諸侯必叛之

以弭兵召諸侯而衷甲以

襲晉故諸侯必叛之

子何愛於死死而可以固晉國之盟主何

懼焉

言晉有信諸侯必歸之

是行也以蕃為軍

蕃籬落也

攀輦即

利而舍

攀引也輦輦車也即就也言人引車就水草便利之地而舍之

候遮扞衛不行

候候望遮遮固也查則候遮夜則扞衛扞衛謂羅圍狗附也張羅圍去壘五十步而陳周軍之前後左右橫弩

注矢以誰何謂之羅圍又二十人為曹輦去壘三百步畜犬其中或視前後或視左右謂之狗附皆昏而設明

而罷候遮二十人居狗附處以視聽
候望明而設昏而罷不行者不設之
楚人不敢謀畏晉

之信也

畏晉守信諸侯與之故不敢謀也

自是沒平公無楚患矣

宋之盟

弭兵之盟也

楚人固請先歃

楚人于木也歃飲血也

叔向謂趙

文子曰夫伯王之勢在德不在先歃子若能以忠信贊

君

贊佐也

而裨諸侯之闕

裨補也闕缺也

歃雖後諸侯將戴之何

爭於先若違於德而以賄成事

政以賄成

今雖先歃諸侯將

棄之何欲於先昔成王盟諸侯于岐陽

岐山之陽

楚為荆蠻

荆州之蠻也

置茅莛設望表與鮮牟守燎故不與盟

置立也莛謂束

茅而立之所以縮酒望表謂望祭山川立木
以為表表其位也鮮牟東夷國燎庭燎也
今將與狎

主諸侯之盟惟有德也狎更子務德無爭先務德所以

服楚也乃先楚人讓使楚先

號之會諸侯之大夫尋宋之盟在魯昭元年魯人食言食偽也言魯使叔孫穆子如會尋宋

之盟欲以修好弭兵尋盟未退而魯伐莒取鄆是為虛偽其言楚令尹圍將以魯叔孫

穆子為戮令尹圍楚恭王之子樂王鮒求貨焉弗與鮒晉大夫樂桓子也趙

文子謂叔孫曰夫楚令尹有欲於楚欲欲得楚國也少懦於諸

侯懦弱也諸侯為弱以諸侯之故求治之不求致也故事也必欲治之非但求

致之而已其為人也剛而尚寵尚好也好若及必弗避也以事

及于卑者必加治戮無所避也子盍逃之不幸必及於子對曰豹也受

命於君以從諸侯之盟為社稷也為欲衛社稷也若魯有罪

而受盟者逃魯必不免不免於討是吾出而危之也若為諸

侯戮者魯誅盡矣必不加師請為戮也夫戮出於身實

難難難居也自宅及之何害何害於義苟可以安君利國美惡一

也美生惡死文子將請之於楚樂王鮒曰諸侯有盟未退而

魯背之安用齊盟齊一也縱不能討又免其受盟者晉何

以為盟主矣

言無以復齊一諸侯

必殺叔孫豹文子曰有人不難

以死安利其國可無愛乎若皆邨國如是則大不喪威

而小不見陵矣若是道也果

果必行也

可以教訓何敗國之

有吾聞之曰善人在患弗救不祥惡人在位弗去亦不

祥必免叔孫固請於楚而免之

趙文子為室

室宮也

斲其椽而礮之

椽椽也礮磨也

張老夕馬而

見之

見見匠人為之

不謁而歸

謁告也

文子聞之駕而往曰吾不

善子亦告我何其速也

速去速也

對曰天子之室斲其椽而

礮之加密石馬

密細密文理石謂砥也
先粗礮之加以密砥

諸侯礮之

無密石也

大夫斲之

不礮也

士首之

斲其首也

備其物義也

物備得宜謂之義

從

其等禮也

從尊卑之等謂之禮

今子貴而忘義富而忘禮吾懼不

免何敢以告文子歸令之勿礮也匠人請皆斲之

通更斲之

文子曰止為後世之見之也

為使也

其斲者仁者之為也

其礮者不仁者之為也

趙文子與叔向游于九京

京當為原九原晉墓地

曰死者若可作

也

作起也

吾誰與歸叔向曰其陽子乎

陽子處父

文子曰夫陽

子行廉直於晉國不免其身

廉直剛而無謀為狐射姑所殺

其知不足

稱也

稱述也

叔向曰其舅犯乎文子曰舅犯見利不顧其

君其仁不足稱也

見利見全身之利謂與晉文避難至將反國無輔佐安國之心投壁請亡

故其仁不足稱也鄭後司農以為詐請亡要君以利也

其隨武子乎

武子范會

納諫不

忘其師

言聞之於師也

言身不失其友

身有善行稱友之道

事君不援而

進

進賢也

不阿而退

阿隨也退退不肖也言不隨君必欲進賢退不肖

秦后子來奔

后子景公之弟鍼來奔在魯昭元年

趙文子見之問曰秦君

道乎

問有對不

對曰不識

難即言之故曰不識

文子曰公子辱於敝邑

必避不道也對曰有焉

有不道事

文子曰猶可以久乎對曰

鐵聞之國無道而年穀餼孰

言國無道而年穀和孰天不譴覺必恃而驕也

鮮不五稔

鮮少也稔年也少不至五年而亡

文子視日曰朝夕不相及

誰能俟五

言朝恐不至夕

文子出后子謂其徒

徒從者也

曰趙孟將

死矣夫君子寬惠以恤後猶恐不濟今趙孟相晉國以

主諸侯之盟思長世之德歷遠年之數猶懼不終其身

今怵日而歆歲

怵偷也歆遲也

怠偷甚矣

怠懈也偷苟也

非死逮之必

有大咎

逮及也大咎非常之禍

冬趙文子卒

平公有疾秦景公使醫蘇視之

蘇名也

出曰疾不可為也

為治

也是謂遠男而近女

遠師傳近女色也

惑以生蠱

惑於女以生蠱疾

非鬼

非食惑以喪志

疾非鬼神亦非飲食生於淫惑以喪其志

良臣不生天命不佑

佑助也良臣謂趙孟不生將死也

若君不死必失諸侯趙文子聞之曰武

從二三子

二三子晉諸卿

以佐君為諸侯盟主於今八年矣內無

苛患諸侯不二

苛煩也愚惡也

子胡曰良臣不生天命不佑對曰

自今之謂

從今以往

蘇聞之曰直不輔曲明不規

言文子不能以明直

規輔平公之間曲使至淫惑也

榘木不生危

榘木大木危高險也

松柏不生埤

埤下溼也

以喻文子
不久存也

吾子不能諫惑使至於生疾又不自退而寵

其政寵榮也

八年之謂多矣

已為多矣

何以能久文子曰醫及

國家乎對曰上醫醫國

止其淫惑是謂醫國

其次疾人固醫官也

官猶職也

文子曰子稱蠱何實生之對曰蠱之慝穀之飛實

生之

愚惡也言蠱之為惡害於嘉穀穀為之飛若是類生蠱疾者

物莫伏於蠱莫嘉

於穀

伏藏也嘉善也

穀興蠱伏而章明者也

穀氣起則蠱伏藏穀不朽蠱而人食

之章明之道也

故食穀者晝選男德以象穀明

選擇也擇有德者而親近之以

象人食穀而有聰明

宵靜女德以伏蠱慝

靜安也伏去也言夜當安女之有德者以禮自

節以去已盡害之病言
今君一之一一晝
是不饗穀而

食盡也

盡喻女也

是不昭穀明而皿盡也

皿器也言為盡作器而受之

夫

文蟲皿為盡吾是以云

文字也

文子曰君其幾何對曰若

諸侯服不過三年不服不過十年

諸侯服則專於色

過是晉之

殃也

過十年荒淫之禍及國也

是歲趙文子卒諸侯叛晉

叛晉從楚

十年

平公薨

十年後十年也事在魯昭十年

秦后子來仕

避景公仕於晉

其車千乘

從車千乘

楚公子干來仕其

車五乘

子干恭王之庶子公子比也魯昭元年楚公子圍殺郟敖子干奔晉

叔向為太傅

實賦祿韓宣子問二公子之祿焉宣子韓起也代趙文子為政對曰

大國之卿一旅之田公之孤四命五百人為旅為田五百頃上大夫一卒

之田上大夫一命百人為卒為田百頃夫二公子者上大夫也皆一卒

可也宣子曰秦公子富若之何其鈞之也鈞同也對曰夫

爵以建事事職事也祿以食爵隨爵尊卑德以賦之功用以稱之

稱副也若何其以富賦祿也夫絳之富商韋藩木楗以過

于朝韋藩韋蔽前後木楗木檐也惟其功庸少也言無功庸雖富不得服其尊服過於

朝無位而能金玉其車文錯其服富商之財足以金玉

商故也

其車文錯其服以其無爵位故不能行諸侯之賄言其財賄

得為耳則上為韋藩木楛是也足以交而無尋尺之祿無大績於民故也績功也八尺曰尋且

秦楚匹也若之何其回於富也回曲也乃均其祿

鄭簡公使公孫成子來聘簡公僖公之子嘉也成子子產之謚鄭穆公之孫子國之

子平公有疾韓宣子贊授客館贊導也客問君疾對曰寡

君之疾久矣上下神祇無不徧諭也諭謂祭祀告謝也而無除

今夢黃能入于寢門夢公夢也能似熊不知人殺乎抑厲鬼耶

人殺主殺人殺鬼惡鬼也子產曰以君之明子為大政其何厲之有

大政美大之政 僑聞之

僑子 產名

昔者鯀違帝命殛之於羽山

帝堯也殛

放殛而殺之

化為黃能以入于羽淵

羽山之淵鯀既死而神化也

實為夏

郊禹有天下而郊祀之

三代舉之

舉謂不廢其祀

夫鬼神之所及

吉凶所及非

其族類則紹其同位

紹繼也殷周祀之是也

是故天子祀上帝

上帝

天也

公侯祀百辟

以死勤事功施於民者

自卿以下不過其族

族親也

今周室少卑

卑微也

晉實繼之

謂為盟主統諸侯也

其或者未舉夏

郊耶宣子以告祀夏郊

為周祀也

董伯為尸

董伯晉大夫神不歆非類則董

伯其姓也尸主也

五日公見子產

祭後五日平公

賜之鬯鼎

鬯鼎

出於書也傳曰賜子產書
之二方鼎方鼎鼎方上也

叔向見韓宣子宣子憂貧叔向賀之宣子曰吾有卿之

名而無其實

實財也

無以從二三子

從隨也隨其
購贈之屬

吾是以

憂子賀我何故對曰昔欒武子無一卒之田

上大夫一
卒之田欒

書為晉上卿
而又不及

其宮不備其宗器

宮室宗
器祭器

宣其德行順其

憲則使越於諸侯

越發
聞也

諸侯親之戎狄懷之

懷歸
也

以正

晉國行刑不疚

疚病
也

以免於難

免殺君
之難

及桓子驕泰奢

侈貪欲無藝

藝極也桓子樂
書之子釐也

畧則行志

畧犯也
則法也

假貸居

賄居蓄也宜及於難而賴武之德以沒其身及懷子改桓

之行而修武之德懷子桓子之子盈也可以免於難而離桓之罪

以亡於楚亡齊也夫卻昭子昭子卻至也其富半公室其家半

三軍恃其富寵以泰於國奢泰於國其身尸於朝其宗滅于

絳不然夫八卻五大夫三卿三卿卻錡卻至卻犇又有五人為大夫其寵

大矣一朝而滅莫之哀也惟無德也今吾子有樂武子


之貧吾以為能其德矣能行其德是以賀若不憂德之不建

而患貨之不足將弔不暇何賀之有宣子拜稽首焉曰

起也將亡賴子存之非起也敢專承之專獨也其自桓

叔以下嘉吾子之賜

桓叔韓氏之祖曲沃桓叔也桓叔生子萬受韓以為大夫是為韓萬



國語卷十四

欽定四庫全書

史部
國語卷
二十五至
二十一

詳校官編修_臣曹錫齡

編修_臣裴謙覆勘

總校官進士_臣繆琪

校對官中書_臣王鍾泰

謄錄監生_臣翟灝

欽定四庫全書

國語卷十五

晉語九

吳韋昭注

士景伯如楚

景伯晉摯管士彌牟如楚聘也

叔魚為贊理

叔魚羊舌鮒也贊佐也景

伯如楚故叔魚攝其

官也傳曰叔魚攝其

邢侯與雖子爭田

二子皆晉大夫也邢侯楚申公

巫臣之子也巫臣奔晉與之邢雖子故

楚大夫奔晉與之邢雖子故疆界也

雖子納其女

於叔魚以求直

不直故納其女傳曰罪在雖子

及蔽獄之日叔魚抑邢

侯

蔽決也
抑枉也

邢侯殺叔魚與甞子於朝韓宣子患之叔向

曰三姦同罪請殺其生者而戮其死者

陳尸為戮

宣子曰若

何對曰鮒也鬻獄

鬻賣也

甞子賈之以其子邢侯非其官

也而干之

官司寇也
干犯也

夫以回鬻國之中

回邪也
中平也

與絕親

以賈直與非司寇而擅殺其罪一也邢侯聞之逃遂施

邢侯氏

施施劾
捕也

而尸叔魚與甞子於市

死時在朝故尸
於市在魯昭十

年四

中行穆子率師伐翟圍鼓

穆子晉卿中行偃之子荀吳
中行伯也翟鮮虞也鼓白翟

昭十五年 別邑在魯 鼓人或請以城畔穆子不受軍吏曰可無勞

師而得城子何不為穆子曰非事君之禮也夫以城來

者必將求利於我利爵夫守而二心姦之大者也賞善

罰姦國之憲法也許而弗予失吾信也若其予之賞大

姦也姦而盈祿善將若何盈滿也且夫翟之憾者以城來

盈願憾恨也晉豈其無恨也是我以鼓教吾邊鄙貳也貳二

心也夫事君者量力而進進進取也不能則退不以安賈貳賈市

也安謂不勞師而得鼓令軍吏呼城儆將攻之未傳而鼓降傳著也

中行伯既克鼓以鼓子宛支來

宛支鼓子爲鞮也穆子既克鼓以爲鞮歸既獻

而反之其後又畔魯昭二十二年簡吳襲鼓滅之以爲鞮歸使涉佗守之也

令鼓人各復其

所非寮勿從

寮官也

鼓子之臣曰夙沙釐以其孥行

釐將妻子

從鼓子也

軍吏執之辭曰我君是事非事土也名曰君臣豈

曰土臣今君實遷

遷徙也

臣何賴於鼓

賴利也

穆子召之曰

鼓有君矣

君謂涉它也

爾止事君吾定而祿爵

定安也而汝也

對曰

臣委質於翟之鼓未委質於晉之鼓也

質贄也士贄以雉委贄而退

臣聞之委質爲臣無有二心委質而策死古之法也

言委

質於君書名於策示必死也

君有烈名臣無畔質也

烈明也

取即私利以

煩司寇而亂舊法其若不虞何

即就也虞度也若就私利是為畔君畔君有舉

故煩司寇舊法策死之法也若臣皆如是是將有不意度而至之患者晉其如之何

穆子歎而謂

其左右曰吾何德之務而有是臣也

吾當脩務何德而得若此之臣乎

乃使行既獻

獻獻功也

言於頃公

言釐之賢於頃公頃公昭公之子去疾也

與鼓

子田于河陰

河陰晉河南之田使君而田之

使夙沙釐相之

范獻子聘於魯

獻子范宣子之子士鞅也聘在魯昭二十二年

問具山教山魯

人以其鄉對

言其鄉之山也

獻子曰不為具敖乎對曰先君獻

武之諱也

獻伯禽之曾孫微公之子獻公具也武獻公之庶子武公教也

獻子歸徧戒

其所知曰人不可以不學吾適魯而名其二諱為笑焉

唯不學也

言學則必知諱不見笑也禮入境而問禁入門而問諱

人之有學也猶

木之有枝葉也木有枝葉猶庇蔭人而况君子之學乎

董叔將取於范氏

董叔晉大夫也范氏范宣子之女

叔向曰范氏富盍

已乎

言富必驕驕必陵人已止也

曰欲為繫援焉

欲自繫綴以為援助

它日董

祁愬於范獻子

祁董叔之妻獻子之妹也范姓祁名也

曰不吾敬也獻子

執而紡於庭之槐

紡縣也

叔向過之曰子盍為我請乎叔

向曰求繫既繫矣求援既援矣欲而得之又何請焉

趙簡子曰魯孟獻子有鬪臣五人我無一何也

簡子晉卿趙文

子之孫景子之子趙鞅志父也孟獻子魯大夫仲孫蔑也鬪臣扞難之士叔向曰子不欲也

若欲之胙也待交梓可也

此言欲勇則勇士至

梗陽人有獄將不勝

梗陽魏氏之邑獄訟也

請納賂於魏獻子獻

子將許之

獻子晉正卿魏戍之父魏舒也傳曰梗陽人有獄魏戍不能斷以獄上其大宗賂以女樂

獻子將受之或云大宗即舒也昭謂大宗訟者之大宗為訟者納賂閻沒謂叔寬曰與子

諫乎

閻沒閻明叔寬女齊之子叔衰也皆晉大夫傳曰魏戍使二子諫

吾主以不賄聞

於諸侯

主獻子也不賄不貪財也

今以梗陽之賄殃之不可

殃猶二病也

人朝而不退獻子將食問誰在庭曰閻明叔襄在召之

使佐食

佐猶勸也

比已食三歎既飽獻子問焉曰人有言曰

唯食可以忘憂吾子一食之間而三歎何也同辭對曰

吾小人也貪饋之始至懼其不足故歎中食而自咎也

曰豈主之食而有不足是以再歎主之既食願以小人

之腹為君子之心屬厭而已是以三歎

屬適也厭飽也已止也適小飽

足則自節止

獻子曰善乃辭梗陽人

善二子善諭而不逆獻子能覺改也

下邑之役董安于多

下邑晉邑董安于趙簡子家臣多功也周禮曰戰功曰多魯定十三

年簡子殺邯鄲大夫趙午午之子穰以邯鄲畔午荀寅之甥也荀寅士吉射之姻也二人作亂攻趙氏之官簡

子奔晉陽晉人圍之時安于力戰有功也

趙簡子賞之辭

辭不受也

固賞之對曰

方臣之少也進秉筆贊為名命稱為前世義於諸侯

言見

稱譽於前世諸侯以為義也

而主弗志

志識也

及臣之壯也者其股肱

以從司馬

者致也司馬掌兵也

苛慝不產及臣之長也端委鞶帶

以隨宰人民無二心

端玄端委委貌也鞶韋蔽膝帶大帶宰人宰官也

今臣一

旦為狂疾而曰必賞女

言戰鬪為凶事猶人有狂易之疾相殺傷也

是以狂

疾賞也不如亡趨而出乃釋之

趙簡子使尹鐸為晉陽

尹鐸簡子家臣晉陽趙氏邑為治也

請曰以為繭絲

乎抑為保障乎

繭絲賦稅保障蔽扞也小城曰保禮記曰遇入保者

簡子曰保障哉

尹鐸損其戶數

損其戶則民優而稅少

簡子誡襄子

襄子簡子之子無卹也

曰

晉國有難而無以尹鐸為少無以晉陽為遠必以為歸

所謂保障

趙簡子使尹鐸為晉陽曰必墮其壘培

墮壞也壘荀寅士吉射圍趙氏

所作壁壘也壘壘曰培

吾將往焉若見壘培是見寅與吉射也尹

鐸往而增也

增高其壘因以自備也

簡子如晉陽見壘怒

既不墮又增之

也故怒也曰必殺鐸也而後入大夫辭之辭請也不可可肯也曰

是昭余讎也

昭明也明我怨讎以辱我也

郵無正進

無正晉大夫郵良伯樂

曰

昔先主文子少釁於難

文子簡子之祖趙武也釁猶讎也難謂莊姬之讒趙氏見討

從姬氏於公宮

姬氏莊姬趙朔之妻文子之母晉公之姊也姬淫於趙嬰嬰兄趙同趙括放

之姬讒同括景公殺之文子從莊姬於公宮

有孝德以出在公族

為公族大夫也有

恭德以升在位

在卿位

有武德以羞為正卿

正卿上卿羞進也

有

溫德以成其名譽失趙氏之典刑

典常也刑法也

而去其師保

在公宮故無師保也

基於其身以克復其所

基始也始更脩之於身以能復其先也

及景子長於公宮

景子文子之子簡子之父趙成也從其王母在公宮

未及教訓

而嗣立矣亦能纂脩其身以受先業無謗於國順德以

學子

學教也

擇言以教子擇師保以相子今吾子嗣位有

文之典刑有景之教訓重之以師保加之以父兄

同宗之父

兄子皆疏之以及此難

荀士之難

夫尹鐸曰思樂而喜思難

而懼人之道也委土可以為師保吾何為不增

言見壘培可以

戒懼足當師保何為不增

是以脩之庶曰可以鑑而鳩趙宗乎

鑑鏡也鳩

也安若罰之是罰善也罰善必賞惡臣何望矣簡子說曰

微子吾幾不為人矣

微無也

以免難之賞賞尹鐸

免難之賞軍賞

也言見戒而懼懼則有備是為免難也

初伯樂與尹鐸有怨

伯樂無正字

以其

賞如伯樂氏

如之也

曰子免吾死敢不歸祿

祿所得賞也

辭曰

吾為主圖非為子也怨若怨焉

若如也怨自如故也

鐵之戰趙簡子曰鄭人擊我吾伏弢略血鼓音不衰

鐵衛

地弢弓衣也晉中行寅范吉射以朝歌畔齊鄭與之魯哀公二年齊人輸范氏粟鄭罕達駟弘送之范吉射逆之簡子禦之遇於戚遂戰於鐵鄭人擊簡子中肩斃于車中伏弢上猶能擊鼓面汚血曰略

今日之

事莫我若也衛莊公為右

莊公衛靈公太子蒯聵也圖殺少君不成奔晉簡子許納

之時為簡
子車右

曰吾九上九下擊人盡殪

殪死也九上九下車以救簡于

今

日之事莫我加也郵無正御

無正王良御御簡于也

曰吾兩鞞將

絕吾能止之

鞞鞞也能止馬徐行故不絕

今日之事我上之次也

言次

蒯駕而乘材兩鞞皆絕

乘櫟也材橫木也

衛莊公禱

禱謂將戰時請福也

曰曾孫蒯聵以諄趙鞅之故

諄佐也

敢昭告于皇祖文王

昭明也皇大也文王康叔之父

烈祖康叔

烈顯也

文祖襄公

文言有文德也襄公蒯聵

之祖父靈公之考

昭考靈公

昭明也靈公蒯聵之父

夷請無筋無骨

夷傷也戰

關不能無傷無筋無絕筋無骨無折骨也

無面傷

傷於面也

無敗用

用兵用也

無隕懼

墮墮也。死不敢請。言不敢請歸之神也。簡子曰：志父寄也。志父，簡子之後名也。

春秋書趙鞅入于晉陽以叛後得反國故改為志父寄禱也。

趙簡子田于螻

螻，晉君之圃。

史黯聞之以犬待于門

史黯，晉大夫。

墨也。時為簡子史犬田犬也。門，君圃門也。

簡子見之曰：何為？曰：有所得。犬欲

試之。茲圃

也。茲，此也。

簡子曰：何為不告？對曰：君行，臣不從。不

順

言君從法，臣從君也。

主將適螻而麓不聞

麓，主君苑圃之官也。傳曰：山林之木，衡麓。

守臣敢煩當日

當日，直日也。言主將之君圃不煩麓以告君，臣亦不敢煩主之直日，以自白也。

簡子乃還

少室周為趙簡子右

少室周趙簡子臣之姓名也右戎右也

聞牛談有力

牛談簡子臣

請與之戲

戲角力也

弗勝致右焉

致右於談

簡子許之使

少室周為宰

宰家宰也

曰知賢而讓可以訓矣

趙簡子歎曰吾願得范中行之良臣

范吉射中行寅

史黯侍曰

將焉用之簡子曰良臣人之所願也又何問焉對曰臣

以為不良故也夫事君者諫過而賞善

諫過匡救其惡賞善將順其美

薦可而替不

薦進也替去也傳曰君所謂可而有不可臣獻其不以成其可君所謂不可而有可焉

臣獻其可以去其不獻能而進賢擇才而薦之朝夕誦善敗而納

之道之以文行之以順勤之以力致之以死

死其難也

聽則

進不則退今范中行氏之臣不能匡相其君使至於難

難謂為亂見逐伐君而敗見討伐也事在魯定公十三年

君出在外

以朝歌畔魯哀五年又奔齊

又不能定而棄之則何良之為若弗棄則主焉得之夫

二子之良將勤營其君使復立於外死而後止何日以

來

立於外有爵土於它國也

若來乃非良臣也簡子曰善吾言實過

矣

趙簡子問於壯馳茲

壯馳茲晉大夫蓋吳人也

曰東方之士孰為瘡

肅賢也

壯馳茲拜曰敢賀簡子曰未應吾問何賀對曰臣

聞之國家之將興也君子自以為不足其亡也若有餘

今主任晉國之政而問及小人又求賢人吾是以賀

趙簡子歎曰雀入于海為蛤雉入于淮為蜃

小曰蛤大曰蜃皆介

物蚌類也

龜鼉魚鼈莫不能化

化謂蛇成鼈龜石首成鼈之類也

唯人不能

哀夫實隼侍

實隼晉大夫

曰臣聞之君子哀無人人

人墮人也

不哀

無賄哀無德不哀無寵哀名之不令不哀年之不登

登高

也夫中行范氏不恤庶難而欲擅晉國今其子孫將耕

於齊宗廟之犧為畎畝之勤

純色為犧喻二子皆名族之後當為祭主於宗廟令

反故逐畎畝之中是亦人之化也

人之化也何日之有

趙襄子使新緡穆子伐翟

襄子晉正卿簡子之子無邨也新緡穆子晉大夫新緡狗

也伐翟在春秋後

勝左人中人

左人中人翟二邑也

遠人來告

遠傳也

襄子

將食尋飯有恐色侍者曰狗之事大矣

大謂勝二邑

而主色

不怡何也

怡悅也

襄子曰吾聞之德不純

純一也

而福祿並

至謂之幸夫幸非福

德不能服必致寇故非福也

非德不當雖

當猶任也

雖和也言唯有德者任以福祿為和樂也

雖不為幸

能和樂則不為幸也

吾是以懼

知宣子將以瑤為後

知宣子晉卿荀躒之子甲也瑤宣子之子襄子知伯也

知果

曰不如宵也

知果晉大夫知氏之族也宵宣子之庶子也

宣子曰宵也狠

狠狠

戾不從人

對曰宵之狠在面瑤之狠在心心狠敗國面狠不

害瑤之賢於人者五其不逮者一

不仁也

美鬚長大則賢

鬚髮穎也

射御足力則賢伎藝畢給則賢

給足也

巧文辯惠則

賢巧文巧於文辭

強毅果敢則賢如是而甚不仁以其五賢陵

人而以不仁行之其誰能待之

待猶假也

若果立瑤也知宗

必滅弗聽知果別族于太史為輔氏

太史掌氏姓

及知氏之

亡唯輔果在

善其知人

知襄子為室美

襄子知伯瑤也美麗好也

士茁夕焉

士茁知伯家臣夕夕往也

知

伯曰室美夫對曰美則美矣抑臣亦有懼也知伯曰何

懼對曰臣以秉筆事君志有之曰高山峻原不生草木

志記也峻峭也原陸也言其高險不安故不生草木

松柏之地其土不肥

言上茂盛冬夏

有蔭故土不肥

今土木勝臣懼其不安人也

言不兩興

室成三年而

知氏亡

三年知伯與韓魏伐趙襄子圍晉陽而灌之城不漫者三版知伯行水魏桓子御韓康子驂乘

知伯曰吾始知水可以亡人國也汾水可以灌安邑安邑魏也絳水可以灌平陽平陽韓也桓子肘康子康子

履桓子之跖趙襄子夜使張孟私於韓魏韓
魏與之合遂滅知伯而分其地在春秋後

還自衛三卿宴于藍臺

還自衛知襄子伐鄭自衛還也
三卿知襄子韓康子魏桓子藍

臺地名也知襄子戲韓康子而侮段規

康子韓宣子之曾孫
莊子之子虎也段規

魏桓子之相也

知伯國聞之諫

伯國晉大夫知氏之族

曰主不備難必至

矣曰難將由我我不為難誰敢興之對曰異於是

言所聞與

此夫卻氏有車轅之難

卻犇與長魚矯爭田執而楛之
與其父母妻子同一轅既矯嬖

於厲公而滅三卻
在魯成十七年

趙有孟姬之讒

趙趙同趙括也孟姬
趙文子之母莊姬也

通於趙嬰兄同括放之孟姬慙怨
之於景公景公殺之在魯成八年

樂有叔祁之愬

樂樂

盈也叔祁范宣子之女盈之母也與其老范中行有函州賓通盈患之祁愬之於宣子遂滅欒氏

治之難

函治范臯夷之邑也臯夷無寵於范吉射而欲為亂於范氏中行寅與范氏相睦故臯夷謀逐

二子卒滅之在魯定十三年

皆主之所知也夏書有之曰一人三失

三失三失人也

怨豈在明

明著也

不見是圖

不見未形也

周書有之曰

怨不在大

或大而為怨

亦不在小

禍難或起小怨

夫君子能勤小物

故無大患

物事也

今主一宴而恥人之君相

君康子相段規

又弗

備曰不敢興難無乃不可乎夫誰不可喜而誰不可懼

蝸蟻逢蠱皆能害人况君相乎弗聽自是五年乃有晉

陽之難

自藍臺之後五年也

段規反首難而殺知伯于師

言段規首為策

作難反知伯者

遂滅知氏

晉陽之圍

知襄子圍趙襄子於晉陽也魯悼四年知瑤伐鄭恥襄子怨之知瑤驕泰請地於趙

趙弗與瑤帥韓魏攻趙襄子襄子保晉陽三家圍之在春秋後張談曰先主為重器也

為國家之難

張談趙襄子之宰孟談也重器圭璧鍾鼎之屬

盍姑無愛寶於諸

侯乎

欲令行賂以求助也

襄子曰吾無使也張談曰地也可

地趙襄子

臣襄子曰吾不幸有疾不夷於先子

夷平也疾病也言已行有關病不及

先子也不德而賄

夫地也求飲吾欲

言地求飲食我

以情欲無忠諫也

是養吾疾而干吾祿也

養長也干求也

吾不與皆斃

皆俱也斃踣也

襄子出曰吾何走乎從者曰長子近且城厚完

長子晉別縣也

襄子曰罷民力以完之又斃死以守之其誰與

我斃踣也誰與我誰與我同力也

從者曰邯鄲之倉庫實

邯鄲晉別縣也

襄子

曰浚民之膏澤以實之

浚剪也讀若濟

又因而殺之其誰與我

其晉陽乎先主之所屬也

先主簡子也謂無以尹鐸為少晉陽為遠必以為歸

尹

鐸之所寬也民必和矣乃走晉陽晉師圍而灌之

晉師三卿

之師也灌引汾水以灌之

沈窳產鼃民無畔意

沈窳縣釜而炊也產鼃鼃生於窳也鼃蝦

也 蝶

金史曰凡...

卷十五

國語卷十五

欽定四庫全書

國語卷十六

吳韋昭注

鄭語

桓公為司徒

桓公鄭始封之君周厲王之少子宣王之弟桓公友也宣王封之於鄭幽王八年為

司徒甚得周衆與東土之人

周衆西周之民東土陝以東也

問於史伯曰

王室多故

史伯周太史故猶難也

余懼及焉其所以可以逃死史

伯對曰王室將卑戎狄必昌不可偪也

昌盛也偪迫也

當成周

者

成周唯邑

南有荆蠻申呂應鄧陳蔡隨唐

荆蠻羊姓之蠻鬻熊之後也申

呂姜姓應蔡隨唐皆姬姓也應武王子所封鄧曼姓陳媯姓也

北有衛燕翟鮮虞路洛

泉徐蒲

衛康叔之封燕邵公之封皆姬姓也翟北翟也鮮虞姬姓在翟者路洛泉徐蒲皆赤翟隗姓也

西有虞號晉隗霍楊魏芮

八國姬姓也虞虞仲之後號號叔之後西號也東有

齊魯曹宋滕薛鄒莒

齊姜姓魯曹滕皆姬姓宋子姓薛任姓鄒曹姓莒己姓東夷之國也

是非王之支子母弟甥舅也則皆蠻荆戎翟之人也

支王

子母弟姬姓是也甥舅異姓是也蠻荆楚也戎翟北翟路洛泉徐蒲是也戎或為夷

非親則頑不

可入也

親謂支子甥舅頑謂蠻夷戎翟也

其濟洛河潁之間乎

言此四水之間

可逃也謂左濟右洛前潁後河

是其子男之國號鄆為大

是是四水也號東號號仲

之後姬姓也鄆妘姓也當幽王時於子男此二國為大

號叔恃勢鄆仲恃險

此號叔號

仲之後叔仲皆當時二國君之字勢地勢阻固也險有險阨皆恃之而不脩德

是皆有驕侈怠

慢之心而加之以貪冒君若以周難之故寄孥與賄焉

不敢不許

妻子曰孥賄財也

周亂而弊是驕而貪必將背君君

若以成周之衆奉辭伐罪無不克矣

桓公甚得周衆奉直辭伐有罪故必

也若克二邑

二邑號鄆

鄆蔽補丹依槩歷莘君之土也

言克號鄆

則此八邑皆可得也

若前茅後河右洛左濟

莘莘國也

主芣駝而食漆

洧茅騷山名主為之神主也孔子曰夫頡
史為東蒙主食謂居其土食其水也脩典刑以守

之唯是可以少固其後卒如
史伯之言公曰南方不可乎南方當
成周之

南申鄧
之間對曰夫荆子熊嚴生子四人伯霜仲雪叔熊季

紉荆楚也熊嚴楚子鬻熊之後十四世也伯霜楚
子熊霜季紉楚子熊紉也仲不立叔在濮耳叔熊

逃難於濮而蠻季紉是立遂氏將起之禍又不克濮蠻
邑遂

氏楚大夫克能也熊霜之世叔熊逃奔濮而從蠻俗熊
霜死國人立季紉遂氏將起叔熊立之又有禍難而不

能立是天啟之心也啟開也天開季紉故叔
熊不得立有心字誤又甚聰明

和協蓋其先王言季紉又聰明能和協其民
臣之心功德蓋其先王也臣聞之天

之所啟十世不替

替廢也

夫其子孫必光啟土不可偏也

光大也

且重黎之後也

重黎官名楚語曰顓頊乃命南正重司天北正黎司地言楚之先為

此二官

夫黎為高辛氏火正

高辛帝譽也黎顓頊之後吳回也顓頊生老童老童生重

黎及吳回吳回生陸終陸終產六子其季曰季連為芊姓楚之祖也季連之後為鬻熊事周文王其曾孫熊繹當成王時封于荊蠻為楚子黎當高辛氏為火正傳曰吳回為黎黎火正也以淳耀惇大天

明地德光昭四海故命之曰祝融其功大矣

淳大也耀明也惇厚

也言黎為火正能治其職以大明厚大天明地德故命之為祝融祝始也融明也大明天明若歷象三辰也厚大地德若敬授民時也光昭四海使上下有章也夫成天地之大功者其子孫

未常不章

章顯也

虞夏商周是也

是成天地之功者

虞幕能聽協

風以成物樂生者也

虞幕舜後虞思也協和也言能聽知和風因時順氣以成育萬物使

之樂生者也周語曰替告有協風至王乃耕藉之類是也

夏禹能單平水土以品處

庶類者也

單盡也庶衆也品高下之品也禹除水災使萬物高下各得其所

商契能和

合五教以保於百姓者也

保養也五教父義母慈兄友弟恭子孝也魯語曰契為司

徒而民輯

周棄能播殖百穀蔬以衣食民人者也

棄后稷也播布也殖

長也百穀黍稷稻粱麻麥荏菹雖胡之屬蔬草菜之屬可食者

其後皆為王公侯伯

禹身

王稷契在子孫公侯伯謂其後杞宋及幕後陳侯也

祝融亦能昭顯天地之光明

以生柔嘉材者也

柔潤也嘉善也善材五穀材木也

其後八姓於周末

有侯伯

八姓祝融之後八姓已董彭禿妘曹斟芊也侯伯諸侯之伯

佐制物於前代

者

佐助也物事也前代夏殷也

昆吾為夏伯矣

昆吾祝融之孫陸終第二子名樊為己姓

封于昆吾昆吾衛是也其後夏衰昆吾為夏伯遷于舊許傳曰楚之皇祖伯父昆吾舊許是宅

大彭豕

韋為商伯矣

大彭陸終第三子曰錢為彭姓封于大彭謂之彭祖彭城是也豕韋彭姓之別封于

豕韋者殷衰二國相繼為商伯

當周末有

未有侯伯

己姓昆吾蘇顧溫董

五國

皆昆吾之後別封者莒其後

董姓醜夷蔡龍則夏滅之矣

董姓己姓之別受氏

為國者有醜叔安之裔子曰董父以授龍服事帝舜賜姓曰董氏曰蔡龍封之醜川當夏之興別封醜夷于孔

甲前而滅矣傳曰孔甲不能食龍而未獲
彭姓彭祖豕韋諸
秦龍氏劉累學擾龍於秦龍氏以事孔甲

稽則商滅之矣

彭祖大彭也豕韋諸稽其後別封也大彭
豕韋為商伯其後世失道殷復興而滅之

姓舟人則周滅之矣

禿姓彭祖之
別舟人國名 妘姓鄔鄔路偃陽

第四子曰求言為妘姓封于鄔鄔
今新鄭也鄔路偃陽其後別封也 曹姓鄔莒

曹姓封
於鄔 皆為采衛 皆妘曹也采采服去王城二千
五百里衛衛服去王城三千里 或在

王室或在夷翟莫之數也

或六姓之後在王室蘇子
溫子也在夷翟莒偃陽也 而

又無令聞必不興矣斟姓無後

斟姓曹姓之別也或云
夏少康滅之非也傳有

斟灌斟尋澆所滅非少
康又皆夏同姓非此也 融之興者其在芊姓乎芊姓夔

越不足命也

夔越芊姓之別國也楚熊繹六世孫曰熊摯有惡疾楚人廢之立其弟熊延摯自棄

於夔其子孫有功王命為夔子

蠻芊蠻矣

蠻芊謂叔熊在濮從蠻俗也

唯荆實有昭

德若周衰其必興矣

昭明也

姜嬴荆芊實與諸姬代相干

也

姜齊姓嬴秦姓芊楚姓代更也干犯也言其代強更相犯間也

姜伯夷之後也

伯夷堯秩

宗炎帝之後四岳之族也

嬴伯翳之後也

伯翳舜虞官少皞之後伯益也

伯夷能禮

於神以佐堯者也

秩宗之官於周為宗伯漢為太常掌國祭祀書曰典朕三禮謂天神人鬼

地祇之禮

伯翳能議百物以佐舜者也

百物草木鳥獸也議使各得其宜

其

後皆不失祀而未有興者

興謂為侯伯也

周衰其將至矣

至於伯也

公曰謝西之九州何如

謝宣王之舅申伯之國也今在南陽謝西有九州一千五百家

曰州何如問可居不

對曰其民沓貪而忍不可因也

沓黷也忍忍行不義因就

也惟謝邾之間

間謂邾南謝北號邾在馬邾後屬鄭鄭衰楚取之魯昭元年傳曰葬王於邾謂

之邾教是也

其冢君侈驕

冢大也

其民怠沓其君而未及周德

怠慢也忠信為周言民慢黷其君而未及於忠信也

若更君而周訓之是易取也

更君更以君道導之則易取也

且可長用也

長用久處也

公曰周其弊乎

弊敗

也對曰殆於必弊者

殆近也

大誓曰民之所欲天必從之

大誓周書言民惡幽王猶惡紂欲令之亡天必從之也

今王棄高明昭顯而好讒

愚暗昧

王幽王也高明昭顯謂明德之臣暗昧幽暝不見光明之道也

惡角犀豐盈而

近頑童窮固

角犀謂頑角有伏犀豐盈謂頰輔豐滿皆賢明之相也頑童童昏固陋也謂皆暗昧

窮陋不識德義者

去和而取同

和謂可以相濟同同欲也君子和而不同

夫和實

生物同則不繼

陰陽和而萬物生同同氣也

以它平它謂之和

謂陰陽相

生異味相和也

故能豐長而物生之

土氣和而物生之國家和而民附之

若以同

裨同盡乃棄矣

裨益也同者謂若以水益水盡乃棄之無所成也

故先王以土

與金木水火雜以成百物

雜合也成百物謂若鑄冶煎烹之屬

是以和五

味以調口剛四支以衛體也

剛強

和六律以聰耳

聽和則聰也

正七體以役心

役營也七體七竅也目為心視耳為心聽口為心談鼻為心芳也

平八

索以成人

平正也八索謂八體以應八卦也謂乾為首坤為腹震為足巽為股離為目兌為口坎為

耳艮為手

建九紀以立純德

建立也純純一不虜駁也九紀九藏也正藏五又有胃旁胱腸

膽也紀所以經紀性命立純德也周禮曰九藏之動賈唐云九紀九功也

合十數以訓百體

此所謂近取諸身遠取諸物賈唐云十數自王以下位有十等王臣公公臣大夫大夫臣士士臣卑卑臣與與

臣隸隸臣僚僚臣僕僕臣臺百體百官各有體屬也合此十數之名以訓導百官之體也

出千品具

萬方

百官官有微品十於王謂之千品五物之官陪屬萬位謂之萬方方道也

計億事材兆

物收經入行姪極

計算也材裁也賈唐說皆以萬萬為億後鄭司農云十萬曰億十億曰兆

從古數也經常也姦備也數極於姦萬萬兆曰姦自十等至千品萬方轉相生故有億事兆物王收其常入舉九姦之故王者居九畝之田收經入以食兆民九畝九州之極

數也楚語曰天子之田九畝以食兆民王取經入焉以食萬官周訓而能用之餼樂如

一忠信為周訓教也言以忠信教導之其民餼樂如一室也夫如是餼之至也至極也

於是乎先王聘后於異姓同則不繼求財於有方使各以其方賄來方

之所無則不貢也擇臣取諫工而講以多物務和同也工官也講校也

多衆也物事也聲一無聽五聲雜然後可聽也物一無文五色雜然後成文也味一

無果五味合然後可食果美也物一不講講論校也王將棄是類而與剝

同

類猶和也

天奪之明欲無弊得乎夫號石父讒諂巧從之

人也而立以為卿士與劓同也

石父號君之名也巧從巧於媚從也

棄聘

后而立內妾好窮固也

聘后申后內妾喪如

侏儒戚施實御在側

近頑童也

侏儒戚施皆優笑之人御侍也

周法不昭而婦言是行用讒

慝也不建立卿士而妖試幸措行暗昧也

試用也措置也不建立有

德以為卿士而妖嬖之臣用之於位佞幸之人置之於側也

是物也不可以久且宣

王之時有童謠

宣王幽王之父

曰檠弧箕服實亡周國

山桑曰檠弧弓

也箕木名服矢房也

於是宣王聞之有夫婦鬻是器者

鬻賣也

王使

執而戮之

戮之於路

府之小妾生女而非王子也懼而棄之

府王內之府藏也

此人也收以奔褻

此人賣弧服者收取也

褻人有獄而

以為入

褻人褻君始也獄罪也入進之於王

天之命此久矣其又可為乎

為治也

訓語有之

訓語周書

曰夏之褻也褻人之神化為二龍

以同于王庭

褻人褻君共處曰同

而言曰余褻之二君也

二先君也夏

后卜殺之與去之與止之莫吉

止留也

卜請其禴而藏之

吉

禴龍所吐沫龍之精氣也

乃布幣焉而策告之

布陳也幣玉帛也陳其玉帛以簡策

之書告龍而請其禴

龍亡而禴在櫝而藏之

櫝也

傳郊之

傳祭於郊及

殷周莫之發也及厲王之末發而觀之未末年汜釐汜

於庭不可除也言汜於庭前謂取而發之也王使婦人不幃而諫之

蒙正幅曰幃諫譴呼也化為玄龜以入于王府龜或為蜃蜃蜃府之

童妾未既齒而遭之既盡也遭遇也毀齒曰齒未盡既

筭而孕孕任身也女十五而筭當宣王時而生厲王汜龜共和十四年死十五年宣

王立立四十六年幽王在位十一年而滅不夫而育育生也故懼而棄之為弧

服者方戮在路夫婦哀其夜號也而取之以逸逃於襄

逸亡也襄人襄姁有獄而以為入於王襄姁襄君也王遂置之

置叔
褒姒

而嬖是女也使至於為后而生伯服

以邪僻取愛
曰嬖使至有

漸之
言也

天之生此久矣其為毒也大矣將俟淫德而加之

焉

加遺也遺
以褒女也

毒之苜膳者其殺也滋速

精熟為苜膳
極也滋益也

申

繒西戎方強

申姜姓幽王前后太子宜咎之舅也繒如
姓申之與國也西戎亦黨于申周衰故戎

翟強
也

王室方騷

騷擾
也

將以縱欲不亦難乎王欲殺天子

以成伯服必求之申

太子將
奔申

申人弗畀必伐之

畀與
也若

伐申而繒與西戎會以伐周周不守矣

言幽王無道
無與共守者

繒

與西戎方將德申

申脩德於二國二國
亦欲助正微其後福

申呂方強

呂申
同姓

其隩愛太子亦必可知也

也 隩 隱

王師若在

在 申 也

其救之

亦必然矣王心怒矣虢公從矣

言石父在亦從王而怒

凡周存亡

不三稔矣

稔 年 也

君若欲避其難速規所矣時至而求用

恐無及也

時難也 用備也

公曰若周衰諸姬其孰興對曰臣聞

之武實昭文之功

武 武 文 文 王 也

文之胙盡武其嗣乎

文 王 子 孫

魯術是也胙盡謂衰也嗣繼也武王子孫當繼之而興

武王之子應韓不在

三 君 云 不

在時已亡也昭謂若已亡無宜說也近宣王時命韓侯為侯伯其後為晉所滅以為邑以賜桓叔之子萬是為韓萬則其亡非平王時也應則在馬上史伯云南有應邠是也不在言不在應韓當在晉也

其在晉

乎距險而鄰於小

距險距守之地險也小小國謂虞虢霍楊韓魏芮之屬

若加之

以德可以大啟

國既險固若增之以德可以大開土宇後魯閔元年晉滅魏霍僖五年滅虞虢

也
公曰姜嬴其孰興對曰夫國大而有德者近興秦仲

齊侯姜嬴之僞也且大其將興乎

秦仲嬴姓附庸秦公伯之子為宣王大夫

詩序云秦仲始大齊侯齊莊公姜姓之有德者此二人為姜嬴之僞且國大故近興也

公說乃東

寄孥與賄號鄆受之十邑皆有寄地

十邑謂號鄆駟蔽補丹依繫歷草也

後桓公之子武公竟取十邑之地而居之今河南新鄭是也賈侍中云寄地猶寄止也

幽王八年

而桓公為司徒

即位八年

九年而王室始騷

騷謂適庶交爭亂虐滋甚也

十一年而斃

幽王伐申申繒召西戎以伐周殺幽王於麗山戲下桓公死之

及平王末

而秦晉齊楚代興

代更也平王即位五十一年

秦景襄於是乎取周

土

景當為莊莊公秦仲之子襄公之父取周土謂莊公有功於周周賜之土也及平王東遷襄公佐之故得

西周豐鎬之地始命為諸侯三君皆云秦景公宣王季年伐西戎破之遂有其地昭謂幽王為西戎所殺故史

伯云申繒西戎方強至平王時秦襄公猶征伐之故詩序云襄公備其兵甲以討西戎西戎方強而征伐不休

是也又景公乃襄公十世之孫而云宣王時破之遂有其地誤矣

晉文侯於是乎定天

子

文侯仇也定謂迎平王定于洛邑

齊莊僖於是乎小伯

莊齊太公後十二世莊公

購也僖莊公之子祿父也小伯小主諸侯盟會

楚蚡冒於是乎始啓濮

蚡冒楚季紉之

孫若敖之子熊率濮南
蠻之國叔熊避難處也

國語卷十六

欽定四庫全書

國語卷十七

吳 韋昭 注

楚語上

莊王使士亶傅太子歲

莊王楚成王之孫穆王之子
旅也士亶楚大夫歲恭王名辭

曰臣不材無能益焉王曰賴子之善善之也

賴恃也

對曰

夫善在大子大子欲善善人將至若不欲善善則不用

故堯有丹朱

朱堯子
封於丹

舜有商均

均舜子
封於商

啟有五觀

啟禹子也

五觀啓子大康昆弟也觀洛汭之地書序曰大
康失國昆弟五人須于洛汭傳曰夏有觀扈 湯有大

甲

大甲湯孫大丁之子不遵湯法伊尹不能正放之于桐

文王有管蔡

管蔡文王子周公兄

也是五王者皆元德也而有姦子夫豈不欲其善不能

故也若民煩可教訓

煩亂也

蠻夷戎翟其不賓也久矣

賓服

也中國所不能用也王卒使傅之問於申叔時

叔時楚賢大夫

也申公叔時曰教之春秋而為之聳善而抑惡焉以戒勸

其心

以天時紀人事謂之春秋聳獎也抑貶也

教之世而為之昭明德而廢

幽昏焉

世先王之世繫也昭顯也幽闇也昏亂也以休
為之陳有明德者世顯而闇亂者世廢也

懼其動

休嘉也動行也使之嘉顯而懼廢也

教之詩而為之道廣顯德以

耀明其志

道開也顯德謂若成湯文武周召僖公之屬詩所美者

教之禮使知上

下之則

則法也

教之樂以疏其穢而鎮其浮

疏滌也樂者所以移風易

俗盪滌人之邪穢也鎮重也浮輕也

教之令使訪物官

令先王之官法時令也訪議也物事

也使議知百官之事業

教之語使明其德而知先王之務用明德

於民也

語治國之善語

教之故志使知廢興者而戒懼焉

故志謂所

記前世成敗之書

教之訓典使知族類行比義焉

訓典五帝之書也族類謂

若悖敘九族比義義之與比也

若是而不從

不見從也

動而不悛

悛改也

則文

詠物以行之

文文詞也詠風也謂以文詞風託事物以動行之

求賢良以翼之

翼輔也

峻而不攝則身勤之

攝固也勤勤身以勗勉也

多訓典刑以納

之

刑法也

務慎惇篤以固之攝而不徹

徹通也

則明施舍以

道之忠

施已所欲原心舍過謂之忠恕

明久長以道之信

有信然後可長久

明

度量以道之義

義宜也言度量所宜也

明等級以道之禮

等級貴賤之品

明恭儉以道之孝

恭儉所以事親

明敬戒以道之事

敬戒於事則無敗功

明慈愛以道之仁明昭利以道之文

昭明也明利人及物

明除

害以道之武

除害去暴亂也

明精意以道之罰

明盡精意斷之以情

明正

德以道之賞

正德謂不私所愛也

明齋肅以耀之臨

齊一也肅敬也耀明也臨

臨事也

若是而不濟不可為也

濟成也為為師傅也

且夫誦詩以輔

相之威儀以先後之體貌以左右之明行以宣翼之

宣編

也制節義以動行之恭敬以臨監之勤勉以勸之孝順

以納之忠信以發之德音以揚之教備而不從者非人

也其可興乎

興猶成也

夫子踐位則退

夫子大子退謙退也

自退則敬

自退則見敬也

不則報

報懼也不自退則恒憂懼

恭王有疾

恭王大子歲也疾在魯襄十三年

召大夫曰不穀不德失先

君之業

業伯業也

覆楚國之師不穀之臯也

覆敗也謂鄢陵之戰為晉所敗

若得保其首領以沒

保首領免刑誅也

唯是春秋所以從先君

者請為靈若厲

亂而不損曰靈殺戮不辜曰厲言春秋禘祫當以主諡序昭穆從先君於廟堂

也大夫許諾王卒及葬子囊議諡

子囊恭王弟令尹公子貞

大夫曰

君王有命矣子囊曰不可夫事君者先其善不從其過

先其善先舉君之善事以為稱不從其過行也

赫赫楚國而君臨之

赫赫顯盛也

撫

征南海訓及諸夏其寵大矣

撫安也征正也南海羣蠻也訓教也寵榮也教及諸

夏謂主盟會頌號令也

有是寵也而知其過可不謂恭乎

諡法既過能改

曰若先君善先其善事則請為恭大夫從之

屈到嗜芟

屈到楚卿屈蕩子子夕也芟凌也

有疾召其宗老而屬之

臣家

曰老宗老為宗人者

曰祭我必以芟及祥

祥祭也

宗老將薦芟屈建

命去之

建屈到之子子木也

宗老曰夫子屬之

夫子屈到也

子木曰不

然夫子承楚國之政

承秦也

其法刑在民心而藏在王府

上之可以比先王下之可以訓後世雖微楚國諸侯莫

不譽

微無也雖使無楚國之稱諸侯猶皆譽之以為善也

其祭典有之曰國君有

牛享

諸侯以太牢也

大夫有羊饋

羊饋少牢也

士有豚犬之奠

士以特牲

庶人有魚炙之薦

庶人祀以魚

籩豆脯醢則上下共之

以共之多

少為差也

不羞珍異不陳庶侈

羞進也庶衆也侈猶多也

夫子不以其私

欲干國之典遂不用

干犯也

湫舉娶於申公子牟

湫舉楚大夫伍參之子伍奢之父伍舉也子牟申公王子牟也

子

牟有臯而亡

亡奔也

康王以為湫舉遣之

康王恭王之子康王昭也

湫

舉奔鄭將遂奔晉

鄭小而近故欲奔晉

蔡聲子將如晉

蔡聲子蔡公孫歸生

子家也唐云楚滅蔡蔡聲子為楚大夫昭謂蔡時尚存聲子通使於晉楚耳在魯襄二十六年

遇之於

鄭郊饗之以璧侑

饗食也璧侑以璧侑食

曰子尚良食

尚猶強也良善也

二先子其皆相子

相助也二先子謂湫舉之父伍參聲子之父于朝也傳曰楚伍參與蔡大

師子朝友其子伍舉與聲子相善

尚能事晉君以為諸侯主

主盟主也辭曰

非所願也若得歸骨於楚死且不朽

自謂不朽

聲子曰子尚

良食吾歸子

使子得歸

湫舉降三拜

拜善言也

納其乘馬聲子受

之

四馬曰乘受而不辭定其心也

還見令尹子木

子木屈建也傳曰聲子通使於晉還如楚

子木與之語曰子雖兄弟於晉然蔡吾甥也

蔡晉同姓謂吾舅者

吾謂之甥

二國孰賢對曰晉卿不若楚

順說之辭言時趙武為晉正卿不及子木

之忠然而有德

其大夫則賢

賢於楚大夫也

其大夫皆卿才也若杞梓

皮革焉楚實遺之

杞梓良材也
皮革犀兕也

雖楚有材不能用也子

木曰彼有公族甥舅若之何其遺之材也對曰昔令尹

子元之難

子元楚武王子文王弟王子善也欲盡丈夫
人遂處王宮鬪班殺之在魯莊二十八年及

三十或譖王孫啟於成王

啟子元子也成王文王
子也或譖啟與父同舉

王弗

是

是理也

王孫啟奔晉晉人用之及城濮之役晉將遁矣

晉楚戰於城濮在魯僖
二十八年遁逃退也

王孫啟與於軍事謂先軫

先軫
晉中

軍曰是師也唯子玉欲之

子玉楚令
尹得臣也

與王心違

王不欲
戰子玉

固請王怒
少與之師故唯東宮與西廣實來

東宮西廣
楚軍營名

諸侯之從

者畔者半矣

畔舍子玉也

若敖氏離矣

若敖氏子玉同族離謂不欲戰也

楚

師必敗何故去之先軫從之大敗楚師則王孫啟之為

也昔莊王方弱

方弱未二十

申公子儀父為師

儀父申公闞班之子大司

馬闞克也

王子燮為傅

燮楚公子

使師崇子孔帥師以伐舒

師崇楚太

師潘崇也子孔楚令尹成嘉也舒羣舒也

燮及儀父施二帥而分其室

施臯於二

帥二帥潘崇子孔也室家資也

師還至則以王如廬

師子孔潘崇之師也二子懼故以王

如廬廬楚邑也傳曰初闞克囚于秦秦有轂之敗而使歸求成成而不得志公子燮求令尹不得故作亂城郢

而使賊殺子

廬戢黎殺二子而復王

戢黎廬大夫也二子燮及儀父也

或諧析公臣於王

析公臣楚大夫也或諧之言與知二子之亂

王弗是析公

奔晉晉人用之實讒敗楚使不規東夏則析公之為也

規猶有也東夏蔡沈也傳曰繞角之役晉將遁矣析公曰楚師輕窺易震蕩也若多鼓鈞聲以夜軍之楚師必遁晉人從之楚師宵潰晉遂侵蔡襲沈獲其君鄭於是不能南面楚失諸華繞角之役在魯成六年昔雖

子之父兄諧雖子於恭王

雖子楚大夫父兄同宗之父兄也

王弗是雖

子奔晉晉人用之及馭之役晉將遁矣

馭馭陵也在魯成十六年雖

子與於軍事謂樂書曰楚師可料也

樂書晉正卿料數也

在中軍

王族而已

唐云族親族同姓也昭謂族部屬也傳曰樂范以其族夾公行時二子將中軍中軍非二

子之親也 若易中下楚必歆之

中下中軍之下也歆猶貪也簡易樂范之行示之弱以誘

楚也傳曰樂范易行以誘之鄭司農以為易行中軍與上下軍易卒伍也中軍之卒良故易之

若合而

函吾中

合合戰也函入也中中軍也

吾上下必敗其左右

晉上下軍必敗楚之

左右軍也

則三萃以攻其王族必大敗之

萃集也時晉有四軍言三集者中軍

先入而上下及新軍乃三集以攻之

樂書從之大敗楚師王親面傷則雖

子之為也

王楚恭王也面傷謂呂錡射其目

昔陳公子夏為御叔取於

鄭穆公

公子夏陳宣公之子御叔之父也為御叔取鄭穆公少妃姚子之女夏姬也

生子南

子南之母亂陳而亡之

子南夏徵舒之字也御叔蚤死陳靈公與孔寧儀行父淫夏姬

徵舒殺靈公楚莊王以諸侯討之而滅陳

使子南戮於諸侯

言為諸侯所戮在魯宣十一年

莊王既以夏氏之室賜申公巫臣則又畀之子反卒於

襄老

界子也巫臣楚中公屈巫子靈也子反司馬公子側也襄老楚連尹也初莊王欲納夏姬巫臣諫王

曰不可君名諸侯以討舉也今納夏姬貪其色也貪色為淫淫為大罰王乃止將以賜巫臣則又與子反子反

欲取之巫臣又難之卒以與襄老

襄老獲於邲二子爭之未有成

晉楚戰於

邲在魯宣十二年晉知莊子射襄老獲之以其尸歸二子子反巫臣也爭爭夏姬成定也

恭王使巫

臣聘於齊以夏姬行

巫臣導夏姬使歸託以求襄老之尸恭王遣馬巫臣聘諸鄭鄭伯許

之及使適齊至鄭遂以夏姬行

遂奔晉晉人用之實通吳晉使其子狐

庸為行人於吳

子反殺巫臣之族巫臣在晉請使於吳吳子壽夢說之乃通吳于晉使其子為

吳行人

而教之射御道之伐楚至于今為患則申公巫臣

之為也今湫舉取於王子牟子牟得臯而亡執政弗是

執政卿也

謂湫舉曰女實遣之彼懼而奔鄭緬然引領而望

緬猶邀也領頭也

曰庶幾赦吾臯又弗圖也乃遂奔晉晉人又

用之矣彼若謀楚其亦必有豐敗也哉

豐大也

子木愀然

愀愁兒

曰夫子何如召之其來乎對曰亡人得復又何不

來為子木曰不來則若之何對曰夫子不居矣

不居言當奉命

於它 國 春秋相事以還軫於諸侯

軫車後橫木也言四時相聘問之事回車於諸

侯 也若資東陽之盜使殺之其可乎

資賂也東陽楚北邑 不然不來

矣子木曰不可我為楚卿而賂盜以賊一夫於晉非義也

子為我名之吾倍其室

倍其室益其家也

乃使湫鳴名其父而

復之

靈王為章華之臺

靈王楚恭王之庶子靈王熊虔也章華地名吳語曰乃築臺於章華之上

與

伍舉升焉曰臺美夫

伍舉湫舉也湫邑也

對曰臣聞國君服寵以

為美

服寵謂以賢受寵服是為美也

安民以為樂

以能安民為樂 聽德以為聰

聽用有德也

致遠以為明

能致遠人也

不聞其以土木之崇高形

鏤為美

形謂丹楹鏤謂刻栒

而以金石匏竹之昌大噐庶為樂

金鏤

也石磬也匏笙也竹蕭管也昌盛也噐誰也庶衆也

不聞其以觀大視侈淫色以

為明而以察清濁為聰也

察審也清濁宮羽也

先君莊王為匏居

之臺

匏居臺名

高不過望國氛

氛稜氣也

大不過容宴豆

言宴有折俎籩

豆之陳

木不妨守備

不妨城郭守備之材

用不煩官府

財用不出府藏

民不

廢時務官不易朝常問誰宴焉則宋公鄭伯

言二國朝事楚

問

誰相禮則華元駢駢

相相導也華元宋卿華御事之子右師元也駢鄭穆公之子子駢也

問誰贊事則陳侯蔡侯許男頓子

贊位也

其大夫侍之

侍各

其君先君是以除亂克敵而無惡於諸侯今君為此臺也

國民罷焉財用盡焉年穀敗焉

敗廢民之時務

百官煩焉

為之徵發

舉國留之

留治之也

數年乃成願得諸侯與始升焉諸侯皆

距無有至者而後使太宰啟疆請於魯侯

啟疆楚卿遂子也魯侯昭

公也事在昭七年

懼之以蜀之役

蜀魯地魯宣公使求好於楚楚莊王卒宣公薨不克作好

至成公即位受盟於晉楚子怒使公子嬰齊帥師侵魯至蜀魯人懼使孟孫賂楚以請盟在魯成二年

而

僅得以來

僅猶劣也

使富都那豎贊焉

富富於容貌都闕也那美也豎未冠者也

言取美好
不尚德也

而使長鬣之士相焉

長鬣美
須臾也

臣不知其美也

夫美也者上下外內小大遠邇皆無害焉故曰美若於

目觀則美

於日則美
德則不也

縮於財用則匱

縮取也

是聚民利以

自封而瘠民也胡美之為

封厚也胡何
也何以為美

夫君國者將民

之與處民實瘠矣君安得肥

安得獨肥
言將有患

且夫私欲弘侈

則德義鮮少德義不行則邇者騷離而遠者距違

騷離
也

畔也邇境內
遠鄰國也

天子之貴也唯其以公侯為官正

正長也

而

以伯子男為師旅

帥師
旅也

其有美名也唯其施令德於遠

近而小大安之也若斂民利以成其私欲使民蒿焉忘

其安樂而有遠心

萬耗也遠心畔離也

其為惡也甚矣安用目觀

故先王之為臺榭也

積土曰臺無室曰榭

榭不過講軍實

講習也軍實戎

也臺不過望氛祥

凶氣為氛吉氣為祥

故榭度於大卒之居

大卒王士

卒也度謂足以臨見之

臺度於臨觀之高

足以臨下觀上使屋榭不蔽日明而已

其

所不奪穡地

稼穡之地

其為不匱財用

為作也

其事不煩官業

業事也

其日不廢時務

以農隙也

瘠磽之地於是乎為之

不害穀土

也磽确也

城守之末於是乎用之

城守之餘然後用之

官寮之暇於是

乎臨之

暇間也

四時之隙於是乎成之

隙空間時也

故周詩曰

經始靈臺

經謂經度之立其碁址也天子曰靈臺

經之營之庶民攻之不

日成之

政治也不日不程課以時日也

經始勿亟庶民子來

亟疾也子來如子為

父王在靈囿鹿鹿攸伏

囿域也鹿北鹿也攸所也視北鹿所伏息愛特任之類也

夫

為臺榭將以教民利也

臺所以望氛祥而備災害榭所以講軍實而禦寇亂皆所以利

也 不知其以匱之也

知聞也

若君謂此臺美而為之正

以為

得事 楚其殆矣

殆危也

靈王城陳蔡不羹

三國楚別都也魯昭八年楚滅陳使穿封戌為陳公十一年滅蔡使公子

棄疾為蔡公今潁川定陵西北
有不羹亭襄城西北有不羹城
使僕夫子皙問於范無

字

子皙楚大夫僕皙父也范無
字楚大夫字尹申無字也

曰吾不服諸夏而獨事

晉何也

不服心
不服也

唯晉近我遠也今吾城三國賦皆千乘

亦當晉矣

禮地方十里為成出長轂一乘馬四匹牛十
二頭步卒七十二人甲士三人三國各千乘

其地三
千成也

又加之以楚諸侯其來乎對曰其在志也國為

大城未有利者

志記也言在書籍所記
國作大城未有利者

昔鄭有京櫟

京莊

公弟叔段之邑櫟鄭子元之邑魯桓十五年鄭
厲公因櫟人殺檀伯而遂居櫟檀伯子元也

衛有蒲

戚

蒲甯殖之邑戚
孫林父之邑

宋有蕭蒙

蕭蒙宋公
子鮑之邑

魯有弁費

弁費
季氏

之邑 齊有渠丘 渠丘齊大夫 雖康之邑

晉有曲沃 曲沃樂 盈之邑

秦有徵衙

徵衙秦桓公之子景叔段以京患莊公鄭幾不封

叔段 周襄

莊公不克出奔在魯隱元年封國也 櫟人實使鄭子不得其位

魯莊公十 四年厲公

自櫟侵鄭獲大夫傅瑕與之盟而赦之使殺鄭子而納厲公鄭子莊公子子儀也

衛蒲戚實出

獻公 甯殖孫林父逐衛獻公 獻公奔齊在魯襄十四年

宋蕭蒙實殺昭公

昭公 兄鮑

殺昭公而立 魯文十六年

魯弁費實弱襄公

襄公十年季武子卑 公室作三軍而自征

之二十九年又取弁以自予

齊渠丘實殺無知

魯莊公八年無知殺 襄公而立九年雖康

殺之 晉曲沃實納齊師

樂盈奔齊齊莊公納之盈以曲沃 之甲晝入為賊於絳在魯襄二十

三秦徵衛實難桓景

公子鍼有寵於桓如二君於景難謂侵逼也魯昭元年鍼奔晉其車

千乘皆志於諸侯此其不利者也

皆見記錄於諸侯

且夫制城邑

若體性焉有首領股肱至於手拇毛脉

拇大指也毛須髮也

大能

掉小故變而不勤

掉作也變動也勤勞也

地有高下天有晦明民

有君臣國有都鄙古之制也先王懼其不帥

帥循也

故制

之以義旌之以服行之以禮

謂名位不同禮亦異數

辨之以名

名號

也書之以文

書其名位及其所掌主

道之以言既其失也易物之

由

易物易其尊卑服物之宜也

夫邊境者國之尾也譬之如牛馬處

暑之既至

處暑在七月節處止也

蚩蠶之既多而不能掉其尾臣

亦懼之

大曰蚩小曰蠶不能掉尾益重也以言三國亦將畔也

不然是三城也豈

不使諸侯之心惕惕焉

惕惕懼也

子皙復命王曰是知天咫

安知民則

咫言少也言少知天道耳何知治民之法

是言誕也

誕虛也

右尹子

革侍

子革楚大夫字故鄭大夫子然之子然丹也

曰民天之生也知天必知

民矣是其言可以懼哉三年陳蔡及不羹人納棄疾而

殺靈王

城後三年在魯昭十三年棄疾恭王子靈王弟平王也靈王為無道棄疾入國為亂三軍畔之

於乾谿王自殺言殺者王之死由三國也

左史倚相廷見申公子亶

倚相楚左史也子亶楚申公史老也廷見于廷見之子亶

子亶

不出左史謗之舉伯以告

舉伯楚大夫也

子亶怒而出曰女無亦

謂我老耄而舍我而又謗我

九十曰老舍棄也

左史曰唯子老耄

故欲見以交儆子

交夾也

若子方壯能經營百事倚相將奔

走承序

承受事業次序也

於是不給而何暇得見

給供也

昔衛武公

年數九十有五矣

武公衛僖公之子共伯之弟武公和也

猶箴儆於國

箴刺也儆

戒也曰自卿以下至于師長士

師長大夫士衆士也

苟在朝者無謂我

老耄而舍我

舍謂不諫戒也

必恭恪於朝朝夕以交戒我聞一二

之言必誦志而納之以訓道我

言謗譽之言也志記也

在與有旅

責之規

規規誅也旅責勇力之士掌執戈楯夾車而趨車止則持輪

位宁有官師之

典

中庭之左右謂之位門屏之間謂之宁師長也典常也

倚几有誦訓之諫

誦訓工師

所誦之諫書之於几也

居寢有誓御之箴

誓近也

臨事有誓史之道

事戎祀也誓樂太師掌詔吉凶史太史也掌詔禮事

宴居有師工之誦

師樂師工誓矇也誦

謂箴諫也

史不失書矇不失誦以訓御之

御進也

於是乎作懿

戒以自儆也

三君云懿戒書也昭謂懿詩大雅抑之篇也懿讀曰抑毛詩敘曰抑衛武公刺厲王

亦以自儆也

及其沒也謂之叡聖武公

叡明也書曰叡作聖諡法威強叡德曰武

子實不叡聖於倚相何害

害傷也

周書曰文王至於日中

昃不皇暇食

日昃曰昃易曰日中則昃

惠于小民唯政之恭文王猶

不敢惰今子老楚國而欲自安也

老老恃楚國也

以禦數者王

將何為

禦止也數者謂箴戒誹謗也為人臣尚如此王將復何為

若常如此楚其難

哉

難以為治

子亶懼曰老之過也

老子亶名也

乃驟見左史

靈王虐白公子張驟諫

子張楚大夫白公也

王患之謂史老曰吾

欲已子張之諫若何

史老子亶已止也

對曰用之實難已之易

矣若諫君則曰余左執鬼中右執殤宮

中身也禮曰其中退然天死曰

殤殤宮殤之居也。執謂把其錄藉制服。其身知其居處。若今世云能使殤也。

凡百箴諫吾盡

聞之矣。寧聞它言。

不欲聞諫也。

白公又諫王如史老之言對

曰昔殷武丁能聳其德至于神明。

武丁高宗也。聳敬也。至通也。通于神明謂

夢見傅說

以入于河。

達于河內。

自河徂亳。

從河內往都亳也。

於是乎三年

默以思道。

默諒闇也。思道思君人之道也。書曰高宗諒闇三年不言言乃讎。

卿士患之

患其不言

曰王言以出令也。若不言是無所稟令也。

稟受也。武

丁於是作書。

以書解卿士也。賈唐云書說命也。昭曰非也。其時未得傳說。

曰以余正

四方。余恐德之不類。茲故不言。

類善也。茲此也。

如是而又使以

象夢求四方之賢聖

思賢而夢見之識其容狀故作其象而使求之

得傳說以

來升以為公

公上公也書序曰高宗夢得說使百工營求諸野得之傅巖作說命

而使朝

夕規諫曰若金用女作礪

使磨礪已也

若津水用女作舟

喻

津水若大旱用女作霖雨

大旱自比苗稼也雨三日以上為霖

啟乃心沃朕

心啟開也以賢者之心比霖雨也

若藥不瞑眩厥疾不瘳

以藥喻忠言也瞑眩頓聲

攻已急也瘳愈也

若跣不視地厥足用傷

以失道比徒跣而不視地必傷也

若

武丁之神明也

通於神明

其聖之叡廣也其知之不疚也猶

自謂未乂

乂治也

故三年默以思道既得道猶不敢專制

使以象旁求聖人既得以為輔又恐其荒失遺忘故使

朝夕規誨箴諫曰必交脩余無余棄也今君或者未及

武丁而惡規諫者不亦難乎難以保國齊桓晉文皆非嗣也

非嫡嗣也還軫諸侯不敢淫逸還軫謂出奔也心類德音以得有國

類善也近臣諫遠臣謗與人誦以自詰也與衆也誦誦善敗也詰告也

是以前入也四封不備一同備滿也地方百里曰同方欲美之故尤小焉而

至於有畿田方千里曰畿以屬諸侯屬會也至于今為令君桓

文皆然君不度憂於二令君而欲自逸也無乃不可乎

周詩有之曰弗躬弗親庶民弗信

言為政不躬親之則衆民不信也

懼民之不信君也故不敢不言不然何急其以言取臯

也王病之曰子復語

病不能然故復使語

不穀雖不能用吾慙實

之於耳

慙猶願也真置也

對曰賴君之用也故言

賴恃也

不然巴

浦之犀犛兕象其可盡乎其又以規為瑱也

犛犛牛也規諫也瑱

所以塞耳也言四獸之牙角可以為瑱難盡也而又以規諫為之乎今象出徼外其三獸則荆交有焉巴浦地

名或曰巴巴郡浦合浦遂趨而退歸杜門不出七月乃有乾谿之

亂靈王死之

乾谿楚東地名

司馬子期欲以其妾為內子

子期楚平王之子子西之弟公子結也為大司馬卿

之嫡妻曰內子

訪之左史倚相曰吾有妾而愿欲笄之其可乎

愿愁也笄內子首服衡笄也

對曰昔先大夫子囊違王之命諡

違厲以為

恭

子夕嗜芟子木有羊饋而無芟薦

子木違父命以羊饋易芟薦

君

子曰違而道

違命合道

穀陽豎愛子反之勞也而獻飲焉以

弊於鄢

穀陽豎子反之內豎也弊踣也魯成十六年晉楚戰於鄢陵楚師敗共王傷目明日將復戰王

召子反穀陽豎獻飲於子反子反醉不能見王曰天敗楚也乃宵遁子反自殺

羊尹申亥從靈

王之欲以隕於乾谿

羊尹申亥申無宇之子也乾谿之役申亥曰吾父再奸王命王不誅

惠孰大焉乃求王過諸棘闡以王歸王繼中亥以其二女殉而葬之君子曰從而逆從從欲也

君子之行欲其道也欲得其道故進退周旋唯道之從夫子

木能違若教之欲若教子夕以之道而去芟薦吾子經楚國

經經緯也而欲薦芟以干之干犯也以妾為妻猶以芟當祭也其可乎子期

乃止

國語卷十七